



6


19-b

28




19-b-28





P. A U L I N E I D I S
LIBRI TRES
SEU VITA, ET EGREGIA FACTA
S. P A U L I N I
EPISCOPI NOLANI
A D
AUGUSTISSIMAM
MARIAM CAROLINAM
AUSTRIACAM
UTRIUSQUE SICILIAE
REGINAM PIENTISSIMAM
A U C T O R E
X A V E R I O D E R I N A L D I S
ACCEDUNT EJUSDEM PRÆTER ADNOTATIONES
NONNULLA CARMINA IN IDEM
ARGUMENTUM.



NEAPOLI MDCCLXXXIII.
EX TYPOGRAPHIA RAYMUNDIANA
Superiorum facultate.

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911


1910-1911

MARIAE . CAROLINAE

AVSTRIACAE

VTRIVSQVE . SICILIAE . REGINAE

PIAE . FELICI . AVGVSTAE



INGENII . CVLTV . MORVM . SVAVITATE

CLEMENTIA . OMNIQVE . REGIA . VIRTUTE

NVLLI . VETERVM . SECVNDAB

AD . RELIGIONIS . GLORIAM



AC . LITTERARVM . STVDIA . PROMOVENDA

PARATISSIMAE

XAVERIVS . DE . RINALDIS

PAVLINIDEM . HANC . SVAM

DEVOTVS . NYMINI . MAJESTATIQVE . EIVS

D. D. D.

SONETTO.

L'A' negli Elisi, ù delle gran Reine
L'Ombre onorate della pace in sepo,
Poggian felici in bel soggiorno ameno,
Rotando gli anni senz'aver mai fine,
Giunse la Fama un dì: sebben divine
Vostre glorie, dicendo, io scorgo appieno,
Che d'una regal Donna il cor va pieno
Di più leggiadre doti, e pellegrine.
Da più lucida, e più sublime stella
Nel mondo venne, ed altri pregi aduna.
Allor fra l'altre, come mai si appella,
Disse Ottavia, e Pompea, chi è che imbruna,
E tanto vince i nostri vanti? Ed Ella,
E' MARIA CAROLINA, e tacque ognuna.

V E R S I O.

*P*Ræpes ad Elysios, ubi pax securæ beatiss
Sedibus æternum detinet una suis
Heroïnarum Manes, Umbraſque ſuperbas,
Fama olim accedens, hos dabat ore ſonos :
Sublimes Anima, laudes, divinaque quamvis
Gloria ſit vobis, ſat mihi noſſe datum eſt,
Noſſe datum Dominam, magis eſt qua inſignibus aucta;
Atque peregrinis dotibus eximia.
Splendidius terris dedit hanc, ſublimius aſtrum;
Ac alia dotes condecorant animum.
Pompejæ has inter concors Octavia : quanam hac?
Quo compelletur nomine deinde rogant :
Qua decus obſcurat noſtrum? qua præſtat? & Illa,
Eſt CAROLINA, inquit, quæque ſilens ſtupuit.



EMINENTISS. SIGNORE.

I Fratelli Raimondi prostrati a' piedi di V. Eminenza umilmente la supplicano, qualmente vorrebbero dare alle stampe un libro intitolato: *Paulineidis libri tres, auctore Xaverio de Rinaldis*; Perciò la supplicano benignarsi commetterne la revisione, a chi meglio stimerà l'Eminenza V.; e l'avranno a grazia ut Deus.

Admodum Rev. Dominus D. Cajetanus Carcani S. Th. Professor revideat, & in scriptis referat. Die 1. Martii 1783.

A. BUCCI E. ORTHOS. VIC. GEN.

JOSEPH ROSSI CAN. DEP.

EMINENTISSIME PRÆSUL.

B Revi carmine, cui titulus *Paulineidis libri tres* &c., sed eleganti, ac digno, quod hunc vivat in^{an}dum, & plures S. Paulini Nolani Antistitis egregia facta modulatur Vir Cl. Xaverius de Rinaldis; Hoc jussu tuo, qua maxima fieri potuit diligentia, legi. In eo, quantum conjicere datum est, auctor non piger est scribendi ferre laborem, scribendi sed recte; nam ut multum nil moratur, brevitatem securus Callimacho magistro, qui μέγα βιβλίον μέγα εἶναι κακόν dicere solebat; ac simul ea eruditione, & mira concinnitate fuit non durus componere versus, ut Maroniam ἀκριβολογίαν, tum vero & Italorum poetarum lepores in succum, uti ajunt, & sanguinem convertisse videatur. Quod typis igitur committatur, dignum omnino, si Tuum accesserit judicium, videtur; nihil enim, quod morum integritatem, quod Regia jura lædere possit, offendi; rursus vero in fovenda pietate totum est, & miscens utile dulci, adolescentium
ma-

manibus, dum adhuc teneræ eorum mentes severioribus
informantur studiis, tradendum est, ne ad infames quan-
doque poetas, summi materiam mali, pertrahantur.
Datum ex Regia Typographia Pridie Idus Martias 1783.

EMINENTIÆ TUÆ

Additis. & devotiss.
Cajetanus Carcani.

Attenta relatione Domini Revisoris imprimatur. Die 19. Martii 1783:

A. BUCCI E. ORTHOS. VIC. GEN.

JOSEPH ROSSI CAN. DEP.

S. R. M.



SIGNORE.

I Fratelli Raimondi stampatori in questa fedelissima Città prostrati al Real Trono di V. M. umilmente l'espongono, qualmente vorrebbero dare alle stampe un libro intitolato *Paulineidis libri tres, auctore Xaverio de Rinaldis*; supplicano perciò la M. V. accordargliene il permesso con commetterne la revisione a chi vorrà V. M. E l'avranno a grazia ut Deus.

Admodum R. D. Franciscus Rossi in hac Regia studiorum Universitate Professor revideat Autographum enunciatum Operis, cui se subscribat, ad finem revidendi ante publicationem, an Exemplaria imprimenda concordent ad formam Regalium Ordinum, & in scriptis referat. Dat. Neap. die 26. Aprilis 1783.

J. A. SALERNITANUS C.M.

DOMINE.

P*aulineidem* a Xaverio de Rinaldis mira felicitate conscriptam, atque opportunis adnotarionibus illustratam jussu tuo perlegi. In ea Cl. Auctor S. Paulini Nolani Anrstitis res gestas tanta venustate, atque elegantia perceruset, ut ipsius ore latinæ beatioris ævi Musæ locutæ videantur. Opus istud, quod omnium fortasse expectationem superabit, nulla sui parte Regiæ Majestatis jura, bonosve mores attentat. Neapoli Pridie Nonas Majas an. 1783.

Numini, ac Majestati Tux

Additissimus, & Obsequensimus
Franciscus Rossi.

Die 24. mensis Maij 1783. Neap.

Viso Rescripto S. R. M. sub die 17. currentis mensis , & anni , ac relatione Rev. D. Francisci Rossi , de commissione Reverendissimi Regii Cappellani Majoris , ordine præsatae Regalis Majestatis . Regalis Camera Sanctæ Claræ providet , decernit , atque mandat , quod imprimatur cum inserta forma præsentis supplicis libelli , ac approbationis dicti Rev. D. Revisoris . Verum non publicetur , nisi per ipsum Revisorem facta iterum revisione affirmetur , quod concordat , servata forma Regalium Ordinum , ac etiam in publicatione servetur Regia Pragmatica : hoc juum .

PATRITIUS

AVENA

TARGIANI

Vidit Fiscus R. C.

Illustreis Marchio Citus Præs. S. R. C. , & cæteri Ill. Aulæ Præs. tempore subscriptionis impediti.

Reg.

CARULLI

Pro M. ATHANASIO

CITUS .

ERRATA

CORRIGE

Pag. 33 diferti

ead. p. superavit

74 freta culmina

76 atque obvia

79 sed umi na

83 verendosque

84 hora

85 qua

104 *Versione*

ibid. Stringa

111 quos

facundi

superavit

freta: culmina

fitque obvia

& lumina

verendasque

ora

quæ

Versione

Stringa

quam

100-1000

100-1000

100-1000

100-1000

100-1000

100-1000

100-1000

100-1000

100-1000

100-1000

100-1000

100-1000

100-1000

100-1000

100-1000

100-1000

100-1000

100-1000

100-1000


100-1000

100-1000

100-1000

100-1000

100-1000



PAULINEIDIS

LIBER I.

FActa, Virumque cano, Romæ qui dives in urbe, (a)
Patricioque satus de sanguine, falcibus, auro, (b)
Et spretâ assyriis fucatâ veste venenis,
Antiquam generis labem deterfit in undis;
Multa tulit sacris redimitus tempora vittis,
Vel dum barbaricis excindi mœnia Nolk (c)

A

Gen-

(a) Quanquam Burdigalæ, quæ urbs est Aquitanie, lingua galli-
ca Bourdeaux, italica vero Bordeos, natus fuerit S. Paulinus,
semper tamen Romanus Civis est habitus, & ex gente patricia.
Hinc quid mirum, si in primo versu legitur: *Romæ qui dives
in urbe?*

(b) *Fasces* consulares, divitias, & *vestem assyriis venenis fucatam*,
idest purpuram, Romanorum Consulium insignia, non jam ante,
sed post susceptum baptismum Paulinus contempsit, ante bap-
tismum enim Consul, & anno post Consulatum veniente Procon-
sul fuerat salutatus, ut in 2. libro hujus operis.

(c) *Barbaricis gentibus*. Non solum hoc vocabulo intelliguntur Go-
thi, qui sub sui Episcopatus initium Italiam venerunt, sed Van-
dali quoque, anno CCCCLV. qui ab Africa descenderunt: vi-
deatur Ludovicus Antonius Muratorius in aureis italæ annalibus.

Gentibus adspexit, vel dum molimina Ditis

Elusit toties victor, vel reddere Gnatum (d)

Dum studuit Matri, pro quo feta vincula, & artos

Ipse subit nodos: nolamam liber ad urbem

Sed remeans, plausuque fuit studiique suorum,

Laudibus eximiis, miroque receptus honore.

SUMME PATER, quem stellantis domus aurea cæli (e)

Cum GENITO haud capit, ac SPIRATO FLAMINE, mentem

Dulce move, ignaroque operis primordia pande.

Tuque adeo columen, Nolanæ splendor & urbis,

Cui quondam, PAULINE, tui Felicis ad æthram (f)

Ferre modis placuit laudes, ne spetne camænas,

Queis modo fert animus, nostris te intexere chartis.

Nec minus Austriaco, CAROLINA, e sanguine creta,

Astræ vindex, custos firmissima & æqui, (g)

Cui

(d) S. Gregorii Magni, & Cardinalis Baronii opinionem sequitur Auctor, de Filio Viduæ apud Vandalos captivo, non nescius plures Eruditis fabulosum hoc factum credidisse, aut saltem Paulino II. ut evincit laudatus Muratorius, aut Paulino III, ut Remondinus, attribuendum, qui etiam Episcopi Nolani fuere.

(e) Dædecet Vatem Chalcidianum invocare Apollinem, & Musas, præsertim in operibus sacris.

(f) Hic Felix Sacerdos tantum fuit, cognomine in *Pincis*, quem natalibus suis hexametro carmine concinnatis, quorannis celebrabat Paulinus, ex quibus extant XIII.

(g) *Astræam* fabulantur Poetæ Jovis, & Themidis fuisse filiam, justitiæ, & æquitatis Deam, quæ anteo sæculo cælis in terram migrasse dicitur, & tandem Mortalium sceleribus offensa cælum repetisse. Unde cecinit Ovidius in libro primo *Metamorph.*

Ultima cælestium terras Astræa reliquit.

Cui modo Parthenope, modo cui Sebethus, & ipsa (h)
 Pulcra Arethusa tuum procul hinc miratur acumen (i)
 Ingenii, dum jura ferens, utrumque gubernas,
 Et regis imperiis una cum CONJUGE, regnum,
 Sis felix, tantisque meis allabere coëptis.

Præful ab ætherea Felix conspexerat arce, (k)
 Italiam adventare Getas, asperrima bello
 Corpora, & ingentes clypeos, & scuta parare,
 Et pharetras, galeasque graves, & spicula, & enses,
 Unde suis italas possent excindere telis,
 Atque solo everfas una cum mœnibus urbes

A 2

Æqua-

(h) *Parthenope* fuit una ex Sirenibus, quæ quoniam in saxa Ulysses impellere suo cantu non potuerat, in mare se dedit præcipitem, & ad eum locum ejecta dicitur, ubi nunc est Neapolis, & hinc accipitur præsertim a Poetis pro urbe Neapoli. ut taceam de reliquis hæc habet latinorum Poëtarum facile Princeps Virgilius in IV. libro Georgicorum.

Illo Virgilium me tempore dulcis alebat

Parthenope . . .

(i) *Arethusa* est flumen Siciliæ apud Syracusas: Fingunt enim Poetæ Arethusam, fuisse Virgineam venatricem, Dianæ comitem ab Alpheo Elidis flumine amaram, quumque Alpei vim post longum cursum effugere nequiret, Dianæ miseratione in fontem versam fuisse, ne Amatoris aquis pollueretur per subterraneos cuniculos in Orthygiam fugisse Siciliæ insulam. Hic vero pro Sicilia accipitur, quæ est alterum nostrorum Regum regnum.

(k) Hic alter *Felix* est primus Nolanæ Ecclesiæ Antistes, ejusdemque urbis princeps Patronus, qui anno XCV. reparatæ salutis obruncato capite martyrii coronam consequutus est. videatur Remondinus.

(l) *Everfas* pro evertendas accipitur ad imitationem Poëtarum, præsertim Virgilii: in libro enim primo suæ Æneidos cecinit:

Incutè vim mentis, submersasque obrue puppes.

pro submergendas: & in eodem libro de Cycnis ab Aquila turbatis loquens scripsit

Aut capere, aut captas jam despectare videntur.

Æquare, & late tristes inferre ruinas,
Indoluit, penitque premens sub corde dolorem,
Constitit ante Deum, tal que est ore loquutus.

Qui regis æternis unus Rex legibus omnes
Res hominum, Divûmque, tibi si immota manet mens,
Barbaricis itas committere gentibus oras,
Diripiant ut opes, & passim moenia vertant
In cineres, & pondus iners, ah! prospice saltem,
Ne tua religio post tot, tantoque labores
Humanis impressa animis, firmata cruore
Fortiter Heroûm fuso, tormenta tot inter,
Infelix alias cogatur quærere terras,
Pestiferis Arii vel sit temerata venenis. (m)

Scis Pater Altitonans, nec te latuisse putandum est,
Fanera, quot strâges pro rêligionis honore,
Et mala pertulerim: Sed quæ magis omnibus una
Cura, metusque urunt animum, mordentque medullas,
Quod viduata Viro, misera oh! viduata Parente
Nola jacet, cui sunt partes arma inter, & enses (n)
Addere vim miseræ? Fidei pia dogmata, mores

Quis

(m) *Getas*, five Gothos heresi Ariana fuisse infectos, pernotum.
Legatur Fleury, & Muratorius in præauctis annalibus sub an-
num 402.

(n) *Cui sunt partes* — ad imitationem Horatii, qui in secunda
ode libri primi Ly:

Cui dabit partes, celus expiandi

Ju, iter . . .

italice — *cui darà l'incarco?*

Quis firmat? restitue vias panditque, docetque?
 Ante Virum pietate gravem, quam dira Getarum
 Succedat legio nolanis mœnibus, oro,
 Præcias, hæc summa est, hæc mea vota, præcesque.

Olli subridens superi Rex magnus Olympi,
 Hæc contra. Has, Felix, conceptas pectore curas,
 Hos depone metus, & tristem hanc exue mentem:
 Exemplo, dictisque, tuam qui rexit urbem
 Pastorem elegi, atque animo interiore locavi:
 Hunc equidem novi terrenos temnere honores,
 Quod tamen arbitrium, vel quæ tam dura voluntas (o)
 Obûstet nostræ? flectam sua corda, animumque,
 Ne dubita, vittis, mitrâ, lituoque verendum,
 Haud aberit, cernes, nec vis inimica Getarum
 Venerit Italiam, urbes everfura, domusque,
 Quin prius iste suâ Nola ditione fatiget.

His hominum, Divûmque Pater lenibat acerbam
 Felicis mentem dictis: quum Nola Sacrorum
 Auspice privari haud patiens, correpta supremo
 Flamine, Paulinum concordî voce salutat
 Pontificem, fideique ducem, moramque Parentem. (p).

(o) Deum gratia sua efficaci flectere humana pœtora edocent Theologi, & S. Scriptura, ut omittam reliquos textus: *Dabo vobiscor carcerem, & faciam, ut in præsepis meis ambuletis: Legantur Theologi, præsertim Thomistæ.*

(p) Primis Ecclesiæ temporibus Episcoporum electiones a populo fieri satis compertum est. videtur Van-êfpen,

Proh ! victrix Superûm virtus , proh ! summa Tonantis
 Vis etiam in mentes hominum ! qui munera , & amplos
 Contempsit titulos , ex quo lustralibus undis
 Paulinus terfit veteris vestigia culpæ ,
 Nunc Præsul nolanzæ urbis præponitur . Ecquis ,
 Quis poterit tanti numeris æquare canendo
 Facta Viri ? Sedes quantum spectata decore
 Tunc nolana suo , virtute , & mentibus æquis ,
 Dives opum tantum , quarum pars maxima Egenis ,
 Mendicisque datur . Tyriis altaria centum
 Atte laboratis ditantur vestibus , arque
 Sæpe Deûm templis supplex indicit honores ,
 Instauratque diem donis : en dogmata , nostræ
 Relligionis honos , fideique arcana , supremi .
 Numinis & leges , illo Auspice , recluduntur .
 Hic pharetram sævi frangitque Cupidinis arcum ,
 Et Veneris fraudes , irritamenta malorum ;
 Hinc fugat ultrices furias , & cædis acervos ,
 Argentique sitim : contra hic virtutis amorem
 Imprimi una animis , hominum solatur amatas
 Hic curas , diâisque levat quemcumque laborem .
 Hoc duce , nolanam comitata Sororibus urbem
 Occupet æqua Themis , concordēs tecta domorum
 Hinc subeunt Charites : priscam rediisse putates
 Saturni ætatem . Tantum sollestia mentis ,

Unius

Unius & potuit pietas, studiumque Magistri.

Sed dum nolans Paulino hæc tanta geruntur,

Finitimisque locis, ex septem parte trionum

En Cimbri, atque Getæ, Geloni, Cimmericique, [3]

Atque Arimaspi, Sauromatæ, piæque Agathirsi,

Infrænique Dahæ, genus insuperabile bello,

Horrida tempestas ceu lætis ingruit agris,

Fœrtaque grandinibus nostras descendere in oras.

Heu! quoties genus hoc hominum depellere régno

A 4

Ad-

(q) *Cimbri* fuerunt populi Germaniæ, qui eam regionem tenuere, quæ cimbrica æcherfonesus dicta est.

Getæ fuerunt populi Daciæ in Scythiæ confinio, adeo crudeles, ut de illis loquens non dubitaret canere Ovidius

Nulla Getis toto gens est truculentior orbe.

Geloni fuere Mætiæ populi inter Thracæ, & Getas, dicti sunt hoc nomine a Gelono Herculis filio. Hi sanguinem equinum cum lacte mixtum bibere soliti erant.

Cimmerici sunt populi Asiæ, ad Mæoticæ paludem in Sarmatia.

Arimaspi Sarmatiæ Europæ populi in Moscovia unicum in media fronte oculum habere crediti sunt, & cum Gryphis auri cultodibus continuo præliari, videatur Plinius in historia naturali

Sauromatæ populi iidem, ac Sarmatæ.

Agathirsi populi Scythiæ vicini, qui, ut scribit Hieronymus, multum habent auri sine avaritia, & invidia: hos habere capillos cæruleos scribit Plinius. Dicti sunt hoc nomine ab Agathyrso Herculis filio.

Dæi, seu Dahæ, & *Dæi* populi in Scythia Massagetis finitimi.

Atque hi omnes sub Getarum, seu Gothorum nomine hic intelliguntur, quiq; sub diversis Imperatoribus Italiani depopulari adgressi sunt, sed semper incassum. Legatur Muratorius in prælaudatis annalibus. Sub Honorio vero, & Theodosio II. Imperatoribus anno ære nostræ CCCCLIX Romæ obditione cinxere, & expugnarunt. Opinaturque Bossuetius in expositione Apocalypseos hoc Romæ urbis excidio S. Joannis vaticinia fuisse completa, quum Deus radicitus idololatriam extirpare, totque Sanctorum Viciorum sanguinem indigne a Paganis effusum vindicare voluisset. Legatur Muratorius sub eundem annum CCCCLIX.

Adgressum est Italos, bellumque inferte latinis
 Finibus, at frustra semper, nam vivida virtus
 Romulidum, bellique Getas prudentia adegit
 Vel dare terga fugæ, vel certæ occumbere morti:
 Sed postquam sublapsa retro, despectaque belli
 Ausoniis jam cura fuit, neglectus & usus,
 Prævalidas Juvenum vites, animosque feroces
 Ludorum in morem durâ exercere palæstrâ,
 Protinus indomiti, Scythiæ glacialibus omnes
 Excessere plagis, & dura sub arma coacti,
 Corripuete viam cursu, qua pulcra Latini
 Regna patent, infanda sui monumenta furoris
 Linquentes quocunque petunt. Ast Roma tot inter
 Quas itala hæc tellus habet urbes passa ruinas
 Majores aliis, hostilia damna, labores,
 Exitia, & cædes. heu! quæ dominata tot annos
 Urbs terras, populosque fuit maria omnia late,
 Quæque suum victrix super & Garamantras, & Indos
 Protulit imperium, externis modo victa Getatum
 Viribus occumbit. Nullum induxisse Deorum [r]
 Excidium templis vulgatum, nullaque vasa
 Surripuisse manu; sed cui male nota, latentque

Im-

(r) *Alaricus* Gothorum Rex, quamvis *Arianus*, suos tamen Milites nullam vim templis inferre præsertim *Petri*, & *Paulli* basilicis, nullaue argentea, sive aurea sacra vasa surripere jussit. *Muratorius* eodem aucto,

Impia facta, doli, cædes, & furta, rapinæ
 Per reliquas urbis partes? Congesta tot annis
 Omnia corripiunt argenti pondera, & auri,
 Ter tunc Eois mærens caput extulit undis,
 Terque suum fœsus demersit Phœbus Iberis,
 Quin unquam Romæ cessassent damnaque, & horror.
 Barbarus excurrens Miles sine more per urbem
 Matronis famam, sacris solvitque pudorem
 Virginibus, generive, locis, nec parcitur ævo.
 Tantis interea spoliis, opibusque latinis
 Quæque inimica manus non dum satiata, repente
 Nolam contendit. Sed vix ea fama vagatur,
 Advolat, & præceps Paulini perculit aures,
 Nec mora, nec requies, nullis dans otia membris,
 Sollicitis cælum votis, precibusque fatigat.

Urbe erat in media solido de marmore Templum, [s]
 Religione sacrum, cultu, & pietate vetendum,
 Quodque recens posuit Paulini cura, laborque:
 Templum augustum, ingens, æquataque machina cælo est,
 Quo lati ducunt aditus magna ostia, stridetque
 Æratis cardo foribus, recalentque fœbæis
 Ignibus, & fertis halant florentibus aræ,
 Quorum in conspectu, lychni laquearibus aureis

Pen-

(s) De hoc magnifico templo a Divo Paulino extracto sit mentio in 2. libro hujus operis,

Pendentes fulgent auratâ in lampade centum,
 Protinus huc venit supplex, & poplite flexo
 Ad cælum tendens palmas, & lumina, multam
 Exorat pacem, clades, irasque, minasque,
 Supplicibus superat votis, ac talia fatur.

O qui res hominum moderaris, maxime Divûm,
 Omnia si regis imperio, frænare superbas
 Estque tuum gentes, propius res adspice nostras,
 Parce pio generi, & nostrorum crimina Patrum,
 Qui infandis, sævisque modis mactare Virorum
 Corpora tantorum, & fatis demittere acerbis [f]
 Adgressi, dignas si urgent te sumere poenas,
 In me me futor hic, in me vertatur & ira,
 Supplicia his ego belligeris dem gentibus unus.
 Talia jactabat Paulinus vota per aras,
 Atque ante ora Deûm; fremitus, clangorque tubarum
 Quum subitò late, & glomerari turbine nubes
 Prospicitur; tristesque procul consurgere campis
 Hinc tenebræ: exoritur clamor, formidine, & omnis
 Urbs misera heu! lacrimis, & femineo ulularu
 Undique repletur: confestim claudere portas

Ci-

(t) *Corpora tantorum Virorum*: intelliguntur sancti Martyres, quorum sanguinem Gothorum furore, & armis Deus ulcisci voluit: & revera Alaricus idemdem affirmabat se a quadam intima, & ignota voce commotum fuisse, ut festinanter veniret Romam expugnaturus. Muratorius sub annum CCCCVIII.

Civibus est animus , longum sufferre paratis
 Obsidium , tumidasque minas : sed dira Getarum
 Irrupit tandem legio : jam mœnia , & ædes
 Hostis haber Nola . Paulinus vota , precesque
 Vix bene finierat , quum mens inflexa Tonantis
 Ocyus ex alto Felicem mittit Olympo , [v]
 Felicem , vario Præsul quem carmine ad astra
 Sæpius extulerat , miseræ succurrat ut urbi .
 Infelix alias , & longe , Nola , fuisses
 Pejores experta vices , & passa ruinas ,
 Ni præsens Felix rurritis mœnibus instans
 Visus adesse tibi . Gentis sceleratus habendi
 Istius ardor agit Cives recludere fulvam
 Auri congeriem ; hinc variis vexata flagellis
 Multa domus nolana fuit , quod forte recusat
 Prodere thesauros . Ast qui magis omnibus unus
 His dederat pœnas Paulinus : namque Getarum
 Sæva cohors , illum laribus bismille talenta
 Asservare suis credens , hic tentat amicis
 Profecisse modis , movet hinc verba aspera , & omnes
 Ingreditur , relegitque vias , quum denique ferri
 Irrita vidisset rapidas sua vota per auras ,

Nam-

(v) *Felix* , qui a mœnibus nolans visus sufficere auxilium civibus
 fuit Felix Sacerdos , dictus in Pincis , de quo supra .

Namque suas fuerat Nolanis Præsul Egenis (x)

Elargitus opes, graviter commota, severas

Infixit pœnas. Proh! quod memorabile nomen,

Et sibi quam peperit laudem firmissimus unus

Æqua mente ferens odium Paulinus, & iras!

Interea en Cives devincti colla catenis

Agmine barbatico patriis decedere terris.

Ingens huic urbi proprias fera damna, ruinas,

At longe major luctus, quam mœsta dolorem

Adspiceret Matrum, quæ tunc tor pignora amoris

Amilere sui. Tantarum ut mulceat æstus

Paulinus rerum, quæ non sudavit, & egit?

Hic Sponsas duris amissos flere Maritos

Questibus, hic Matres Natos cernebat, & illic

Aut urbis, propriæ domus, vel damna Patentum

Lugebant alii singultibus interruptis.

Ille Patris summo pendens de numine, Matrum,

Uxorūque graves dulei sermone dolores

Solatur præsens argenti pondus at illi

Quum primum rediit, manicas, atque arcia levavit

Vin-

(x) Uranius, de quo paullo inferius sermo habebitur, ad Pacatum Virum Gallis vitam degentem, de charitate Paulini erga Proximum scribens, hæc habet: *Aperuit horrea sua Pauperibus, Apothecas suas advenientibus patefecit, nam parum ei erat proximos alere, nisi etiam undique revocaret, quos pasceret, atque vestiret. Quam multos inique oppressos erexit? Quam multos captivos redemit? quam multos ære alieno mancipatos persoluto ære Creditorum servitute liberavit &c.*

Vincula non paucis, ingens proprii aeris acervum

Ad geticas mittens oras: reparavit Egenis

Quas ferrum miseras & vis everterat aedes:

Divitibus, quæ hostis opes subduxerat, ingens

Sive furor, rabiesque dedit consumere flammis,

Sic solitus revocare animum, & lenire dolorem.

Creditis, o Cives, almo qui numine torquet

Cuncta suo, non posse bonis melioribus istis,

Quæ nobis scelerata manus populata, replere?

Heu! quoties fatis alios pejoribus actos,

Omnibus expertes rebus miseratus, acerbis

Erexit curis, longe majoribus illos

Divitiis onerans! Quem vestrum præterit, atque

Cui male notus Job? (Nobis quantum instar hic unus?)

Nonne boves, armenta, pecus, servosque, camelosque

Exussit partim vibratum ex æthere fulgur,

Et compilavit partim vis improba furum?

Dum fraterna simul curant convivia Nati,

Pignora cara sui, magno cum murmure turbo

Nonne procellosus glomerans caurumque, notumque

Funditus evertit mensam, Natosque, domusque?

Ulcera quid memorem tristi manantia tabo,

Unde tepebat humus, sanieque adpersa natabat?

Omnia jam vulgata, & vos bene nosse putandum est,

Præmia quanta tulit posthac tolerantia? largâ

Omnia

Omnia nonne Deus, duplici & mercede rependit ?
Atque his posthabitis, quis vestrum denique veras
Nescit opes cæli superis in sedibus esse ?
Has primum inquirant, queis relligionis honores,
Et cordi pietatis amor, nam cætera Olympus
Large sufficiet, vitæ quæ indiget usus.
His, aliisque Pater morrentia pectora dictis
Demulcere studet, spemque addere mentibus ægtis.

Viderat ast aliquot Paulinum Nola per annos
Doctrinâ, & factis munus pietate, modoque
Exercere suum, multas sublime locantem
Sede animas; præceps quum venit fama sub umbras,
Pallentes umbras, implens rumoribus orcum,
Paulinum Ditis regno nova bella moventem,
In turpem vertisse fugam Junonis avernæ
Eumenides famulas, atque exitiosa monstra
Avertisse procal Nolanis finibus, imo
Et clausisse fores Erebi, mortalibus ægtis
Ardua pacati referantem limina Olympi.
Ingemuit Pluto, & rabie succensus amarâ
Hæc secum. Mene infractum spoliata videre
Unius ob noxam, & furias, mea regna rapinis ?
Ergo ego, qui quondam superis in sedibus audax
In magnum haud veritus committere bella Tonantem,
Nunc victus cedam, & patiar mea cernere inultus

Damna

Damna? locos lætos, atque alta sedilia cæli,
 Ex quibus eiectus, mortali semine cretus
 Complect, me illudens tenebrosa in tartara missum?
 Non ita. Pallentis quæ vis Rectoris averni,
 Ostendam, haud aberit, mihi styx hæc nubila testis.
 Hæc secum Pluto flammato corde volutans,
 Ad Libyæ fines falsâ sub imagine venit.
 Vandalicæ hic sedem gentes paullo ante locarant, [y]
 Hæ primum Scythiam, Gallorum postea regna,
 Tum tartessiacas tenuerunt Herculis arces,
 Postremo ardentem Libyæ venere sub axem:
 Barbarus hos inter Rex Gensericus habenas
 Imperii moderans populos ditione premebat:
 Turbidus, & fidens animi, captator honorum,
 Ambitione furens, præceps, ac sævus in armis,
 Quæsitique tenax, atque auri cæcus amore.
 Arbiter hunc orci versuto callidus astu
 Talibus incendit fucatis Pluto loquelis.
 O lux vandalica, & spes, Genserice, tuorum,
 Quæ te segnities, quæ causa indigna moratur,
 Et nasamoniæ torpentem detinet oris?
 Eja age rumpe moras, fatis te crede secundis,

I, se-

(y) *Vandalos* è *Scythia* primum egressos, occupasse *Galliam*, tum *Hispaniam*, & denique *Africam*, testatur *Muratorius*: & *Genfericum* eorum Regem tali indele fuisse, idem Auctor affirmat sub annum *CCCCXXVII*.

I, sequere Italiam, & partis ex hoste triumphis,
 O quæ divitiæ, quæ te spolia ampla manebunt.
 Nec credas, Rex magne, Getas bona cuncta fuisse
 Aut Romæ, aut aliis furator urbibus; aures
 Da faciles dictis: restat pars maxima: Divûm
 Hactenus eripuit sacris vasa aurea templis
 Nulla manus: fulvi proh! quot contextit & auri
 Pondera, & argenti nuper tellure sub ima
 Paulinus prædives opum, Paulinus & urbis
 Nolanæ Antistes: Maeste ergo, Rex bone, gressus
 Jam sectate meos, acies pone ordine, & alnos,
 Italiam, tritaque vias, urbesque docebo.
 Qui si n' ne inquiras, aut quæ me causa potentes
 Impulerit, viresque tuas exposcere. & arma,
 Noveris hæc, Tiberis quum primum adcesseris undam.

Umbrarum Rector, totus cui paret avernus,
 Vandalicum his Regem dictis acuitque, movetque.
 Qualis equus mediis solitus concurrere in armis, (z)
 Sed

(z) Hæc comparatio equi mutuata a Tasso est, qui in cantu XVI.
 sui Gufridi ita cecinit:

*Qual feroce destrier, che al faticofo
 Onor dell' armi vincitor sia tolto,
 E lascivo Marito in vil riposo
 Tra gli armenti, e ne' paschi erri disciolto,
 Se il desta o suon di tromba, o lumineso
 Acciar colà tosto annitendo, è volto.
 Già già brama l' arringo, e l' Uom sul dorso
 Portando, urtato riurtar nel corso.*

Sed posito tandem duro certamine martis,
Ducit iners vitam stabulis, aut pascua in agris
Læta petit, si forte Virum fulgentia cernit.
Scura procul, stridorve suum, clangorque tubarum
Verberat auditum, arrectis cervicibus alte
Infremit impatiens, terram pede pulsat, & artus
Sæpe tremit, fluitantque juba: per colla, per armos.
Haud aliter dictis sævi Rectoris averni
Vandalicus ductor belli inflammatus amore,
Speque auri illectus, longas en mille carinas
Præparat, atque omnes armato milite complet:
Provehitur portu, findunt freta cæcula naves,
Ignea jamque procul rupes Trinacria fumo
Cernitur, immixtas jaculari ad sidera flammæ.
Auditur passim horrendus Scyllæque latratus.
Haud mora tyrrhenum verrit spumantibus undis
Æquor, & extemplo siculæ post terga relinquit
Prospectum telluris ovans adlabitur oris
Hæc italis tandem classis. Sed fluminis undam
Quum fuit ad Tibris: Genius tibi Nomen amicum,
Pluto ait, ingredi hanc urbem; subverte penates,
Nec parcat miles perrumpere templa Deorum,
Sufficiam vires, miscebo incendia, & iras.
Hæc ubi dicta omnes lympha mente Quirini
Invadunt Urbem, populantur templa, domusque,

Dextera , proh facinus ! sceleratur quæque rapinis.
Quamvis multa quidem perferret Roma , catenis
Cerneret & cives devinctos colla ad arenas
Horrentes Libyæ missos , Recloris averni
Mens tamen , & rabies in Nolam versa , sui que
Præfulis exitium , hinc Regem stimulatque , movetque
Vandalicum Pluto , tarpejo monte relicto ,
Ut subito ante alias nolanam invaderet urbem .

Mens horret numeris tristes meminisse ruinas ,
Quas urbi , & templis argento , auroque decoris
Intulit , ut primum nolana in mœnia gens hæc ,
Gens effræna Virum irrupit faribunda , Silentum
Regnator mentem communi in strage levabat .
Haud aliter torrens undis pluvialibus auctus ,
Si præceps alto descendit monte per agros ,
Turgidus aggeribus ruptis exundat , & omnes
Ille hominum , sternitque boum , sata læta , labores ,
Et pecus adducit secum , pecudumque Magistros ,
Vandalicus sic ipse suâ Rex percitus irâ ,
En , urbe everfa , spoliatis omnibus auro
Delubris , mensisque sacris , domibusque Potentum ,
Exuvias , Famulumque manus ad inhospita regna
Pertrahit : Indignas sed quis fando explicet artes ,
Et quantas stygiæ movit ferus arbiter aulæ
Insidias , tanti ut perrumpat flamina vitæ

Tam

Tam bene ducta Viri? sed frustra; namque Tonantis
 Dextera squallentis Paulinum viribus orci
 Vandalica incolumem ferro servavit, & irâ:
 Hinc indignatus stygiis qui præsidet umbris
 Effugit, rabieque ambo sua labra momordit. (a)

Sed vix nolans decessit mœnibus hostis
 Lætus, opes, multosque trahens ad barbara regna
 Devinctos laqueis, sacras en Præfulis ædes
 Crinibus incomptis, lacrimis suffusa & obortis
 Lumina adire dolens Mater viduata Marito:
 Unicus huic Gnatus, cordis pars maxima, ocellis
 Carior atque suis, & dulcis pignus amoris,
 Quem variis inimica cohors cum civibus afros
 Duxerat ad fines, manibus post terga revinctis.
 Noverat hæc Mulier getica e regione quot olim
 Nolanam Cives revocasset Præful ad urbem
 Ære suo, ac studiis, nodos, & vincula solvens:
 Hinc adnixa Viri summa pietate, loquelis
 Talibus adgreditur, sævum testata dolorem.

Alme Pater, miserare meos, Pauline, labores;
 Affer opem miseræ, matris ne sperne precantis
 Vora. Habeo Gnatum, sed quid, Pater optime, dixi?
 Ah! potius me habuisse olim, non amplius ille

B 2

Nam.

(a) Tassus in principio cantus IV. sui Gufridi
Ambo le labra per furor si morse.

Namque mihi: nuper laqueis, & vinctus ahenis
Nexibus hoste fuit libycas deductus in oras.
Immaturus obiit mihi Vir, praesentia Nati
Tantum lenibat curas, adversaque sorti
Facta meæ, Matri tantum restabat hic unus,
Filius hic unus, solamen dulce senectæ,
Nunc viduata Viro, Natoque orbata, quid ultra
Quid mihi sperandum superat, quam funere mergi?
Eripe me his, Pauline, malis, res adspice nostras:
Tu potes hanc animam stimulo subducere mortis,
Nam subit in mentem, & si mens non læva, recordor.
Munifice manus hæc, manus hæc generosa catenis
Quot solvit vinctos, & quot solata parentes!
Barbara quum legio nostros ad regna Getarum
Abduxit Cives oneratos nexibus artus.
Si tua captivis manus est adsueta juvandis,
Ah! Pater ah! factis superadde prioribus unum hoc,
Hoc unum adjicias: tua sic pia vota secundet
Usque Deus: solare inopem, succurre relictæ.
Si nossem has Gentes amplecti dogmata nostræ
Et fidei, & morum; Nati jactura dolentem
Non me conficeret tantum, sed mente revolvens,
Quod genus hoc hominum, scelerum quam labe notatum,
Infernumque polo: vereor ne corde recedat
Intemerata fides, Ditis subeantque Ministri.

Ultrices Diræ, & præsertim subdola Etinnys,
 Correptumque meum vitiet, maculetque, trahatque
 (Quod Deus avertat) tandem Palægetontis ad undam
 Incaute Natum, quem tot mœroribus, & tot
 Ægumnis peperit, ac alui, miserere laboris
 Adflictæ Matris, Matrem solare jacentem,
 Ne, Pater, immitem, & deparcum nomine dici
 Quæso sinas, tua nota satis clementia Nolæ est,
 Prospice jam tandem, nostrisque inflectere votis.

Dixerat: ille Patris tacito sub pectore versans
 Consilia, & leges, domibus neque copia rerum (b)
 Ulla sibi, ut tantum posset lenire dolorem,
 Vandalicos mittens argenti pondus ad Afros,
 Olli sic breviter, demisso ac ore profatur.
 Ne te tantus edat mœstam dolor, en age tantis (c)
 Pone modum lacrimis, & tantis parce querelis,
 Nulla mihi res (fabor enim) bona sustulit omnia
 Vandalicus Miles. Templis ah! nulla supellex,
 Nulla meis laibus superest, en ipse supersum,
 Ipse mihi tantum: sed me, mœstissima Mater,

B 3

Me

(b) *Consilia & leges* S. Scriptura: *Majorem charitatem nemo habet, ut animam suam ponat quis pro Amicis suis, & alibi: Bonus Pastor animam suam dat pro ovibus suis.*

(c) *Responsum*, quod Matri Viduæ dedit Paulinus refert S. Gregorius Magnus in suis Dialogis hisce verbis: *Quod possim dare non habeo, sed me ipsum tolle, meque servum juris esse profiteor, atque ut Filium tuum recipias, me vice illius in servitum trade.*



Me cape fatorum comitem, & me siste Tyranno,
 Qui me forte, tuo detractâ compede Nato,
 Accipiet: Nexus, & vincula nulla refellam.
 I præ, pone sequar, nostra & vestigia terret
 Uranius. Quid non mortalia pectora cogant (d)
 Alma fides, divinus amor! memorabile factum,
 Marmore cælandum pario, ventura quod ætas
 Miretur, serique ferant super astra Nepotes.
 Corripuere viam, vicina & litora cursu
 Contendunt petere, & plantis amor addidit alas.
 Perveniunt portum, curvam quæ forte parata
 Conscendunt navim, & Libyæ vertuntur ad oras.
 Anxia mente fretum Mulier zephyrumque, notumque
 Anteit, atque suos collo implicuisse lacertos,
 Stringere complexu Natum, & rediisse videtur.
 Ast modo Vir mentem huc celerem, modo dividit illuc.
 Sollicitæ Matris Natum committere in ulnas
 Hinc avet, hinc viduum proprii custodis ovile
 Deseruisse dolet, nunc & pia lumina Olympo
 Conjunctis manibus figit, nunc respicit urbem,
 Quam secum crebris hominum, Divumque Parenti

Com-

(d) Uranium fuisse discipulum S. Paulini, & a libellis testatur Remondinus, imo adhibet ipsum Uranium vitam sui Magistri Paulini descripsisse. Atque inde visum est Auctori illum fecisse comitem una cum Matre Vidua per Africam, atque ea occasione arrepta suo Domino vitam, & egregia facta Magistri narrasse, ut in 2. libro hujus operis.

Commendat precibus, ne perfida regnet Erinny
Ne vesanus amor, suadensque licentia culpas
Exagiret Nolam, susque omnia deque revolvant;
Atque colant, servantque fidem, & quæ dogmata primus
Cordibus impressit Felix sine labe, notaque.
Post varios rerum casus, freta cæcula findens,
Denique Pœnorum successit finibus alnus.
Descendunt navi, ac undas, portusque relinquunt.
Quæ domus excipiat Narum, cui serviat, & quæ
Fata agitent illum Mater studiosa requirit,
Vandalici ut tandem Regis parere superbo
Accepit Genero, currunt qua semita monstrat:
Succedunt tectis, atque alta palatia scandunt.
Ac ubi jam tempus, coram & data copia fandi,
Illa statim lacrimis sua vota, precesque recludit,
Plura movens maternus amor dulcissima in ore
Ponit verba suo, mentem firmatque, docetque.
Irrita sed cernens Viduæ Paulinus in auras
Vota trahi, his alacer sese cum vocibus offert.

Ipse ego, ego ipse suo pro Nato vincla subibo:
Heu! miseræ Gnatum Viduæ concede Parenti,
Dulcia redde suæ tandem, redde unica Matri
Pignora, difficilis non adspernare precantis
Vota, precesque mei, tandemque heu! redde senectæ
Præsidium, columenque, decus, prædulce levamen.

Nec patiare precor nos tot tantosque molestos

Incaſſum ſubiſſe maris, terræque labores.

Huc lora , huc nodi , manicæ huc , ſtriſtæque catenæ :

Quid ceſſas ? Nato tandem fera vincula ſolve ,

Solve , & dimidium cordis concede Parenti .

Dixit , & emollit ſenſus , animumque neganrem

Denique Heri , & vinclis Gnatus , pedicisque ſolutus

Deſertur Matri , pro quo conſtringitur Heros

Vincla pati , & laqueos , ſubitoque addicitur hortis ,

Virgultiſque novis , & plantis rite colendis .

Paulini Uranius ſequitur veſtigia , dantur

Sarcula dura piis & marræ , & raſtra , ligones

Præſulis interea manibus , manibuſque Parentis

Unicus at Viduæ ſolidâ ſine compede Natus .

Qualis inane volat nervis emiſſa ſagitta ,

Vel qualis cervum latrans quum viderir arvis

Currere præcipitem , ſperans attingere curſu

Pervolat : haud aliter Genitrix ſine more cucurrit

Adſpiciens longe jam libertate fruentem ,

Et vacuum laqueis Gnatum , complectitur ulnis

Terque , quaterque ſuis : ſed vox in faucibus hæret ;

Tantum pettentant marernum gaudia pectus .

Aſt ubi conſeſſum Lybicus decedere terris

Ipfæ , Puerque ſuus , ſubigentem vomere terram

Inviſunt primum multo & ſudore madentem ,

Captivumne novum dicam ? dicamne recentem
Paulinum Agricola ? Nolæ potiusne verendum
Pontificem ? divinus amor , fraternus & ardor
Viribus heu ! quisnam vestris æquarier aufit ?
Accedunt , sparsisque fimo dant oscula palmis ,
Suffusi lacrimis oculos . Gratissima Mater
Ut primum fari potuit , sic ore loquuta est .

Quam pro me geris hanc curam Deus ille rependat ,
Magne Heros , qui te talem , tantumque creavit ,
Namque ego quî possum tanto pro munere dignas
Compensare vices ? alti regnator Olympi
Te superesse velit , fortunet , sospitet , annos .
Protoget usque tuos facilis , paucasque per horas
Te fore sustineat cultorem fertilis horti .
Spero equidem , nec vana fides , te posse solutum
Quam primum tegredi , Nolæque advertere proram ,
Ah ! Supetum Regem , si quid mea vota valebunt
Flectere posse reat , nec me obduxisse precando
Poplitibus callum . . . Sermonem abruptit at Heros .
Ite , mei pars fida gregis , Deus æquora sternat ,
Leniter incumbat tantum levis aura favori
Occano , caurique cadant , boreæque , notique .
Maturate : meæ tangat confinia Nolæ
Litora vestra ratis , properet tutissima : nostri
Vivite prohi ! memores : summi dum templa peretis

Numinis, auxilium vestro pro Præsule grati

Poscite, ut ipse mei præsens sudoribus adsit.

Casta pio cineri Felicis basia pro me (e)

Figere non pigeat centum, dein altera centum.

Dilectum salvere gregem, Mystasque velitis

Nomine sæpe meo: studeant sine crimine vitam

Ducere, firmatum teneant mbremque factorum,

Et sanctâ mancant in religione fideles:

Ite, mei pars fida gregis, Deus æquora sternat.

Dixit, & extollens dextram bene fausta precatur,

Oscula cui rursus libantes denique cedunt.

Præfulis interea studium stat, curaque in hortis,

Nunc terram rastris exercet providus, & nunc

Sive pyros, malosque serit, sive ordine ponit

Et vites, prunosque putat, cerasosque feraces;

Sirius aut scindit phæbeis ignibus agros,

Vel glacialis hiems cursus refiænat aquarum,

Paulini pomis non deficientibus horti

Elucent semper, vel dum nascuntur & ista (f)

Mitia sunt illa, æternum ver esse putares.

Sæpe Gener Regis Dominus se ducit ad hortos,

Miratur studium Agricolaë, miratur & artem:

Nil


(e) *Hic Felix est Felix in Pincis.*

(f) *Tassus in eodem cantu XVI. sui Guffridi
Co' fiori eterni, eterno il frutto dura,
E mentre spunta l'un l'altro matura.*

Nil mortale videns faciem, & sua verba sonare,
Multa avidus de Gente, suo & de sanguine multa.
Sæpius inquiri, sed vera modestia vocem,
Religioque premit, scitari, & quærere major
Est amor hinc Domino, incassum sed cuncta, nec unum
Ipsius ore cadit verbum, cadit unica nec vox.
Profetisse nihil cernens, nil posse doceri,
Consilia in melius retulit, succedere mandat
Uranium tellis argento, auroque superbis,
Fariet hunc jussit, simul ordine cuncta referre.
Nox erat, & Domini decorata palatia cultu
Fulgebant vatio, & Procerum repleta cohorte,
Queis idem ardor erat lychni laquearibus aureis
Pendentes, cæcam vincebant lumine noctem:
Comiter huc Dominus posthac, nutuque benigno
Advocat Uranium: primâque ab origine nobis
Fare age mox, inquit, sollers quo sanguine natus
Hic meus Agricola, & primas ubi prodit in auras,
Quæ sua religio, mores, doctrina, decusque?
Nam puto, ni fallor, generoso semine cretum.

Finis libri primi.





PAULINEIDIS

LIBER II.

Confedere omnes, linguis, animisque favebant,
Pendebatque inhians quisquis narrantis ab ore:
Substitit Uranius paullo, mox talibus orsus.

Insignem, Dux magne, tui me proderè stirpem
Agricolæ, moresque suos, patriamque, decusque,
Et quæ relligio, & quæ doctæ Palladis artes
Condecorant, poliuntque, jubes. Quem talia, me nunc
Enatrante, stupor penitus non occupet? Ecquis
Adgnosens casus, & tor discrimina rerum
Temperet a lacrimis? quamvis jactantia longè
Exulet hinc animo, atque suo de pectore fastum
Arceat ille, tamen promptus tua jussa capelsens

Incipiam. Pulsis Romana ex urbe superbis
 Regibus, imperium rerum, & suprema potestas
 Consulibus delata, duo quos stirpe legebant
 Patriciâ veteres perfundi munere in annum,
 Bis sex lictores his, fasces, sella curulis,
 Et sceptrum, tyrio depicta & murice vestis:
 Nil mage quærendum Regum his si nomen adesset,
 Sive tui Agricolæ genus inspectare parernum,
 Aut proavos. Matrisque juvat percurrere fastos,
 Consulibus en passim decoratos nomine multos
 Ex his invenies, aliisque insignibus; altum
 Paulinum, Aniciumque genus quis nesciat? heu! quot (4)
 Utraque progenies dias in luminis auras
 Edidit Heroes insignes robore, & armis,

Et

(a) Aniciam gentem inter romanas præclarissimam fuisse, nemo eruditus ignorat; enumerat enim hæc plures Consules, Imperatores, Sanctos Martyres, & Orthodoxæ fidei pios Confessores. Videatur Baronius, & Remondinus.

Eodem ferme tempore Paulinam floruisse familiam in comperto est, quæ etiam plures Consulares Viros, urbisque Præfectos habuit. Videatur Pater Pagi, & Reinesius, & in suis Italiæ annalibus Ludovicus Antonius Muratorius. Quam fuerit vero hæc familia dives opum, testantur innumeri Scriptores. S. Eucherius enim hæc habet: *Paulinus Episcopus Nolanus peculiare, & beatum Galliæ exemplum ingenti quorundam divitiarum censu, uberrimo eloquentiæ fonte &c.* Venantius Fortunatus in lib. 2. de Vita S. Martini de Paulino loquens hæc cecinit

Dives agris, opulens famulis, locupletus acervis,

Vir censu vastus, lare celsus, & ore rotundus,

Ditior ipse fide

6. Augustinus in libro de civitate Dei: *Paulinus ex opulentissimo divite, voluntate pauperrimus &c.*

Et pietate graves, titulis, opibusque potentes:
At coniuncta olim, vinclo & sociata jugali,
Nobilitate Viros virtute, ac ordine summos
Progenuit, quos longe inter supereminet omnes
Agricolæ Genitor, qui in vincla jugalia duxit
Conditione parem, insigni & virtute Puellam,
Plurima, queis Romæ, Nolæque ingentia rura,
Et Fundis centum vertebant læta juvenci,
Burdigalæ totidem subigebant atva coloni:
Hinc opibus ditata domus, celeberrima fastu,
Regalique scatens luxu sublime nitebat:
Hic quandoque suâ fidâ cum coniuge, curru
Invectus celeri, famûlum comitante catervâ,
Decedens Roma, campis, Romæque propinquis,
Nunc has, nunc illas urbes spectandus adibat.
Burdigalæ tunc ille suâ sed tempora vitæ
Coniuge ducebat, quum primum lucis in auras
Hic prodit: totam proh! quæ, proh quanta per urbem
Grata dedit cernenda Pater spectacula! Fratrum
Hic prior amplexus, & circum blanda Parentum!
Oscula dependit, vitæ, cutæque levamen.
Pontius, Anicius, Meropius, & Paulinus,
Huic puero nomen: primis monstrabat ab annis,
Qui vigor ingenii, mentis quæ mascula virtus,
Oris quæque sui majestas, indole natus

Qua

Quâ docili, & promptâ. Genitor jam tempore ab illo (b)

Cæperat, & secum tacitus perquirere tanto

Et pietate gravem doctrinâ, & moribus auctum

Doctorem Nato. Ausonium tunc temporis arte

Pzonîâ insignem, facundæ ac munere lingux,

Ingeniis, opibusque vicens prædulcis alebat

Burdigala, & longo devinctum Patris amore:

Protinus hunc legit. Nondum pervenerat annum

Paulinus sextum, tantique elementa Magistri

Discere quum primum cœpit, qui mentis acumen

Admirans Pueri, mores, & vota sciendi

Fervida, quo poterat nisu majore studebat

Ocyor ingenuas, ac doctas Palladis artes

Disceret ut Juvenis, pedibus concludere certis

Verbaque calleret, juga scandens ardua Pindi.

Non sic pomiferis arbutum Villicus hortis

Jam præcox si forte videt protendere ramos

Curvatos pomis, circum rimatur, aduncis

Exercetque solum rastris, constringit inanes

• Sedulus & frondes, urit quum Sirius agros,

Inducit latices, & inexsuperabile gramen,

Eruncatque herbas, nec seit decedere ab illo,

Se-

(b) O utinam, & omnes Genitores hanc haberent præ oculis providentiam, & sagacitatem, dum Præceptoribus instituendos tradunt suos Filios.

Sedula talis erat diferti industria Galli
 Aufonii in Puerum, qui, tanto Auctore, cacumen
 Attingit aonium, & talis dara copia fandi,
 Ut tandem proprium superavit Tyro Magistrum.
 Nec credas, Dux magne, tuam deludere verbis
 Me velle his mentem, cultis est namque Camœnis
 Hæc eadem ipse suis testatus sæpe Magister, (c)
 Testantur, quæ scripta aliis volvenda reliquit
 Paulinus monumenta sui vulgata per orbem.
 Gallica at interea linquens secunda Virorum
 Regna, domumque suam, primo sub flore juventæ
 Urbem contendit, motum, fideique Magistram;
 Ingenii vires, & quam versatus in arte
 Dicendi hic primum monstravit, namque Senatu,
 Atque foro, & rostris rumpens de pectore vocem,
 Finibus ejectos patriis ad amata Parentum
 Limina restituit multos, plerisque catenas
 Carceribus clausis solvit, capitale difertâ
 Diluit arte nefas aliis, & munere linguæ.

C

Re-

(c) Gallus Aufonius fuit insignis Poeta, & multiplici eruditione
 refertus, cujus operâ ad nostram usque ætatem pervenere, fuit.
 que Paulini Præceptor, qui lubenter se superatum fuisse à suo
 Alumno Paulino fatetur: en sua carmina

*Et quæ jamdudum tibi palma poetica pollet
 Lemnisco ornata est, quo mea palma caret,
 Cedimus ingenio, quantum præcellimus ævo,
 Adfurgit Musæ nostra Camæna tuæ.*

Romulidum sublime suum volitasse per ora
 Novimus hinc nomen, merito spes altera Romæ,
 Dicitur & hinc Heros: studio, plausuque fremebant
 Rite Forum, Patres, Capitolia, Rostra, Senatus.

Magna licet Paulino isthæc, majora sed imo
 Pectore Rex Superum sortes, & fata movebat.

Finitimus Nolæ locus est, Campana vetustas. (d)

Ididit in Pincis cui nomen, jure verendus

Mole sepulchrali, cineres nam servat, & ossa

Felicitis, quem dira cohors infensa Piorum

Agminibus, dum pone celer sectatur, & urget,

Abdidit is muri se duplicis intervallo,

Quod cito de luctu prætexit aranea telis,

Atque ita Sectantum rabies elusit, & iras,

Bustum insignem, frequens pietate, ac ordine templi

Spectandum satis, & signorum laude coruscum:

Sæpius huc Populi, præsertim turba Quiritum

Concurfu adfuerant magno, portenta revivam.

Huc

(d) Hunc locum in Pincis prope Nolam fuisse nemo ambigit, forsasse fuit villa à Pincis, Romanis possessa, quam quidam ex hac familia Nalanja concessit, ut ossa & sacri cineres hujus Sancti Viri ibi adservarent, atque hinc appellatus Felix in Pincis, de hoc Sancto Viri hæc leguntur in divino officio sub die decima quarta Januarii. Sed quum is (Felix in Pincis) iterum idolorum cultores impietatis argueret, facto in ipsum impetu, fugiens, in angusto duorum parietum intervallo se occultavit, qui aditus cum repente aranearum telis portectus visus esset, nemini recentis latebræ suspicionem reliquit &c.

Huc quoque Paulinus studio succensus eodem
 Venit, sed Busto vix dum concessit, & oh quot
 Illuc curabant variis languoribus acti!
 Non tam deciduas deponit vinea frondes,
 Quam multi glomerantur, opem, promptumque rogantes
 Felicem auxilium. Huc multi queis faucibus hærens
 Vox deerat: multi huc queis lumen ademptum.
 Pone sequebantur claudi genua ægra trahentes
 Quosque infestabat violentior ira Dianæ:
 Hinc queis semeso stridebat corpore vulnus,
 Quosque sibi nimis indulgens prædurior hydrops
 Usque siti vexabat acri, quam nullius unda
 Sedaret fontis: mœrens hinc illa subibat.
 Turba, quibus caries membris immunda hærebant:
 Currabant, quos febris edax, aut frigidus humor
 Depascens, misere tenues confecerat artus:
 Nec deerant, furis quos dira agitabat Erinny, (e)
 Sternebatque solo singultus ore cientes,
 Horrendosque sonos, & terrificos mugitus.
 Omnibus his, Felix præsentem Numine certam
 Sufficiebat opem: validus, lætusque redibat
 Quisque domum, hinc omnes tanta hæc longo ordine cives
 Cantantes sublime polo portenta ferebant.

C

VI

(e) Nec deerant furis. Hi sunt obsessi a dæmone, italicè *insanati*, spiritati.

Vidit ut hæc Heros, stupuit, defixus & uno
 Hæsit in obrutu, reputat secum, inde sub imo
 Pectore præsentit flammam, quæ leniter omnes
 Pertentat primum sensus, præcordia posthac
 Intima ad usque subit victrix, Felicis & ossa
 Paulinum tandem cogit veneratier; alto
 Hinc portenta manent, memoriæ recondita corde,
 Quæ mox ad tumulum jam viderat. Alta Quirini
 Mœnia at hinc rediit: Vix introgressus in urbem,
 Protinus adsensu Pattum, plausuque Senator
 Rite salutatur, primi dein culmina honoris
 Attingit & Consul, talique est jure, modoque
 Hoc decus egregium moderatus, protinus anno.
 Ut veniente ferax Campania viderit illum
 Fascibus ornatum senis, mora nulla sed urbe
 Detinuit Capux, fuerat Proconsulis una
 Quæ sæles, æst Nolan legit, Felicis amore
 Saucius: hic totum transigit tempus in annum.

Mos est Romanis, antiquæ inuestus Achivis

(f)

Quum

(f) Solitum fuisse a veteribus, tum Græcis, cum Romanis primam lanuginem, seu primam barbam consecrare aut Jovi, aut Apollini, aut Veneri pernotum Eruditis. videatur Suetonius. Statius Papinius in sua Thebaide de Theseo, qui Delum petiit, dicatum suam barbam Apollini, hæc cecinit.

Ille genas Phæbo, crinem poscebat Iaccho.

Paulinus in XIII Natale S. Felicis in Pincis hæc habet de sua barba loquens.

Tunc etiam primæ . . . libamina barbæ

Ante tuum solium, quasi te carpente, totondi

Et

Quum primum caderet tendenti barba, Tonanti
 Sive Jovi, aut illam Phœbo, Venerique sacrare:
 Thesea sic Phæbo scimus, sævumque Neronem
 Devovisse Jovi: supplex Felicis at urnæ
 Paulinus, temploque suam, caputque repente
 Huic majus præstare decus, culcumque, & honorem,
 Semita, quæ Nolæ ad tumulum ducebat, ab ipso
 Est via facta, quadris stravit quam cautibus, atque
 Ære suo Hospitium Peregrinis auxit, ab oris
 Longinquis fuerat queis mens succedere busto:
 Ex illo optabat primi detergere labem
 Antiquam generis, sacro de fonte renascens.
 Mensibus exactis annus compleverat orbem,
 Atque suo fuerat perfunctus munere, & alter
 Successor Capuam Proconsul venerat, unde
 Inclyta Romulidum contendit moenia: honores
 Non illi aut reliqui, majora aut munera dēssent,
 Si septemgemina optasset consistere in urbe.
 Cœperat ast animo fordescere sella curulis,
 Numorumque strues, ac ingens copia rerum,

C 3

Hinc

Et Muratorius, sub annum æræ nostræ vulgatæ LX hæc habet de
 Nerone: *Istitui quando Nerone altri giuochi, appellati Giovenali
 in onore della prima volta, che egli si fece far la barba a rito je-
 nivo preso i Romani. Que' preziosi peli in una scatola di oro fu-
 rono consecrati a Giove. In que' giuochi danzarono i più nobili fra
 i Romani, e bella figura fra le altre dame fece Elia Capula, gio-
 vanetta di ottanta anni, che balò un misinoetto.*

Hinc Româ excedens ad Gallica regna, revifum

Matrem, vertit iter, vitales liquerat auras

Nam Genitor, poſthac terras devenit Iberas.

Compluti vinclis dum ſe ſociare jugali

(1)

Exoptat, clarâ genere, & virtute Puellam

Delegit, quæ dives opum, quæ prædiſta multâ

Dote animi antiquam Patris luſtralibus undis

Abluerat maculam, quæ ſervantiſſima honeſti

In tantum factis virtutem extendere viſa eſt,

Ut ſtupor ætatis fuerit, ſtudioſumque Virorum,

Qui modo ſub pedibus nubes, & ſidera cernunt,

Se ſociam poſt fata ſimul queis addidit, & jam

Lætitiâ exultans miratur limen olympi,

Et numerum Divum votivis aggerat aris.

Paulino hæc igitur ſociata eſt fœdere lecti

Fida Comes. Varias ſed quis fando explicet oras

Quot populos, moresque Virum, quot vidit & urbēs?

Barcino, & Emerita, atque illum nunc Tarraco vidit

Vaſconix nunc ſaltus, nunc Calaguris, Ilerda,

Pulcras Francigenum ſedes peragravit, Agenni

San-

(g) Uxor S. Paulini fuit nobiliſſima mulier Complutrenſis, italice d' Alcalá in Hiſpaniis, nomine Theraſia, diſtincta, & pietate inſignis, quæ ad huiusmodi probitatis culmen pervenit ut non modo Sancti Doctores Maximi Hieronymus, Auguſtinus, & Ambroſius ſuis in operibus concelebrarint, ſed ſexcenti alii Viri innumeris, inclyſiſque laudibus cumulaverint. Videatur Reſtoradinus.

Santoniz, ac Arelate fuit, Narbone, Tolosæ,
 Atque Viennæ, qua Rhodanus spumantibus undis
 In mare fert Ararim. Hesperiiis cum Coniuge terris
 Longo in secessu sedatam ducere vitam
 Denique constituit, sacris dans otia musis,
 Et pascens animum dulci pietatis amore.
 Hic Coniux Natum emisit sub luminis auras,
 Sed proh! quam fugiens, & quam mentita voluptas
 Humanis in rebus inest! succisa per hortos
 Qualis pulcra suum paullatim rosa ruborem
 Amittit moriens, aut imbre cadente, papaver
 Declinat frontem languens, ereptus acerbo
 Hic Puer est fato, rutilum quin viderit ortum
 Octavum solis: magnum si pertulit imo
 Pectore mœrorem Genitor, tolerare coactus
 Mox alium fuit, & mentis nisi fallit imago,
 Majorem primò. Ense suus Germanus iniquò
 Procubuit moriens: ipsum caussantur, & ausum
 Indigne Paulino impingitur: æqua fuisset
 Et nisi mens illi Superùm, sceleris reus, omnes
 Amisisset opes vitæ in discrimen adactus:
 Sed tacitum, dirumque nefas, fontesque retexit
 Omnipotens Genitor precibus Felicis: aperte

(b)

C 4

Pau-

(b) Hic Felix est *Felix in Pincis* de quo supra satis, superque sermo habitus est.

Paulini integritas hinc infectata patescit.

Omnibus interea neglectus visus Amicis,

Et tristes sine laude dies traducere Martis

Urbe procul, dictis & nunc stimulatus amaro est

Plurimo epistolis Ausonii, qui stirpis avitæ (i)

Nominat immemorem, violantem jura Deorum,

Atque hominum, & nisi Burdigalæ succederet urbi,

Rumperet antiquum socialis fœdus amoris.

Ille velut scopulus mediis in fluctibus, Euri

Quem certant, Caurique suis submergere ponto

Flatibus, immorus perstabat mente, neque ullis

Flectitur Ausonii verbis, studiisve suorum.

Immo vix sacro lustratur fonte salutis,

Nisi aliud medio tacitus sub pectore versat,

Quam veluti possit Superum statione locari.

Hinc primum vovit castum servare cubile,

Con-

- (i) Quatuor epistolas hæc super re scripsit Ausonius Paulino, quarum prima composita fuit anno nostræ reparatæ salutis CCCLXXIX, & incipit

Discutimus, Pauline, jugum, quod certa fovebat

Temperies &c.

Altera anno subsequenti, & quia etiam exarata hexametro versu, incipit

Proxima quæ nostræ fuerat querimonia chartæ.

Tertia non invenitur inter Ausonii opera. Sed credendum fuisse scriptam anno CCCLXXXI. nam quarta epistola scripta fuit anno CCCLXXXII. & incipit

Quarta tibi hæc notos detexit epistola questus.

Sed hisce de rebus videtur Remondinum, qui uberrime hanc rem pertrahat, & apud eundem legi possunt epistolæ Paulini ad Ausonium.

Coniugis idem animus, tunc passim vendere coepit.
 Quædam Burdigalæ fuerant, ætæ posthac
 Prædia, pannosis pretium largitus Egenis:
 Inde sibi insapius, microque adopertus amictu,
 Ad Pyrenæos una cum coniuge montes
 Ducebat vitam secessu, terga flagellis.
 Proseindens, tenui membris alimenta negando
 Et victu; infomnis per noctem sæpe revolvit
 Vera Dei suboles, varios quot adire labores,
 Vulnere quot voluit, miserans incommoda nostra,
 Magna pati, generis lapsi dum sponte ruinas
 Sarfit, & antiquum facinus mortalibus ægris
 Abluit, & summi referavit limina Olympi,
 Vel secum reputat, meritas quas labe notati
 Expendant pœnas hominum; Divûmque Parenti
 Sub pice fumantes, nigræque voragine ripas,
 Vel quæ Justorum pertinent gaudia mentem
 Sedibus æthereis: solitus pallefcere sacris
 Quandoquidem chartis, gravibus vel digna bonorum
 Facta Virûm celebrare modis: secretus Amicis
 Et procul urbe suos quamvis traduceret annos,
 Integritas mentis, pietas, atque ardor honesti
 Detexere Virum, famam, laudesque perosum.

Orbita completis revocarat mensibus anni

(k)

(k) *Orbita completis.* Hisce versibus innuitur anniversarius dies

na-

Sollemnem de more diem, quo lucis in auras
 Virginis e gremio humanæ sub imagine formæ
 Cara Deum suboles prodit, Paulinus in urbe
 Barcino, cui nomen; quum fervida vota, precesque
 Funderet ante aras, augusti in limine templi,
 • Ecce senum, juvenumque cohors, quæ currit, & urget, [1]
 Circumstatque Virum, noscit, cogitque, Sacerdos
 Protinus, ut silet, mitrâ lituoque decoro
 Sistitur. Ille diu oblectatur mordicus, impar
 At magis obstando, cessit vi denique tantis
 sollicitis hominum votis: ad sancta gradatim
 Progreditur, tandemque manus Antistes utrasque
 Imposuit, sacris ipsum præfecit & artis.
 Tunc pietas certe majori lumine fulsit,
 Religioque, fides, sua spes, & pectoris ardor.
 Mira tui Agricola sunt hæc exempla sequuti
 Insignes splendore Viri, quos eminet inter

Gen-

nativitatis Domini Servatoris nostri. Atque affirmatur Paulinum tunc temporis fuisse in urbe Barcinone italice *Barcelona*. in Hispaniis, ut sollemnitati tanti diei adfisteret. Videatur Remondinus.

- (1) Tunc temporis Populus, ubi aliquem Virum pietate, & meritis insignem videbat, illum Episcopis silitere solitus erat, ut sacerdotali dignitate insignirent, quanvis iniciandus obdisteret, & recusaret. Hoc pacto Paulinianus S. Hieronymi frater a populo captus fuit, & oculis ore consecratus: Sic etiam Maximus Palatinus, ut scribit Sidonius ad Sacerdotium promotus fuit, & sic alii innumeri: Quem morem minime certe laudabilem jure optimo Romana Sedes rejecit, proseripitque.

Gentis Aquitanæ Civis Sulpicius, ortus (m)

Sanguine præclaro, cui largas divite cornu

Copia fudit opes, dicendi excultus & arte. (n)

Annua tum vero revoluta venerat orbe

Festa dies Felicis, ovans qua multa Virorum [o]

Turba sepulcralem passim veniebat ad urnam.

Sollemnis celebrata dies, quam rite verendam,

Rite & honoratam semper Paulinus habebat,

Hanc licet ille ageret Nolana protenus urbe, [p]

Hesperiove solo deprentus, sive Quirino,

An-

(m) Præter alios Severus Sulpicius, cujus opera ad nostram usque ætatem pervenere S. Paulini exemplum sequutus est: Hic Sulpicius fuit æqualis D. Hieronymi, & scripsit eleganti, & terso stilo Beati Martini vitam, & insuper duo sacre historię libros. Et Josephus Scaliger Ecclesiasticorum Scriptorum purissimum merito appellat.

(n) *Copia*: hic accipitur pro Dea, quæ præses ubertatis, & abundantię erat Antiquis, quæque ferre dicebatur quoddam cornu frugibus plenum. Quæ de re Horatius l. 1. ode 17.:

..... *Hinc tibi copia*

Manabit ad plenum benigno

Ruris bonorum opulenta cornu.

(o) *Festa dies Felicis*, idest Felicis in Fincis, qua die, intercedente hoc Sancto, Deus dignabatur patrare tot miracula ad urnam suam, quæ consuebant tot infirmi, ut supra visum est.

(p) *Protenus*, hoc adverbium accipitur hic pro *procul*. Legatur Servius in Notis Virgilii in prima Ecloga, ubi inducit hic Poeta Melibæum sic Tityro respondentem

..... *En ipse Capellæ*

Protenus ager ago

idest, inquit Servius, porro tenus, longe e finibus.

Et Joannes Ludovicus de la Cerda in suis Commentariis, & notis eandem explicans hæc habet: *Tu lætabundus cernis errantes boves, Ego ager sum, vide quam alienus a tua lætitia: pecus meum agrum, vide quam longe ab armento tuo errante.*

Annua vota tamen, meritumque ex ordine supplex
 Servabat cultum, & totum vulganda per orbem
 Felicis portenta sacris de more Camœnis,
 Natalesque suos referebat ad astra quorannis;
 Hæc igitur festiva dies jam venerat: olli
 Quum subiit studium temneanti munera, & autum,
 Ipsi ad tumulum reliquam traducere vitam:
 Hinc fidâ Hesperii comitatus Coniuge terris
 Haud mora pothabitis, primum devenit ad urbem
 Burdigalæ, extemplo reliquos hic vendidit agros,
 Et pretio relevatur inops, & carcere clausus,
 Liber & asseritur servili compede victus;
 Nulla nec Hesperia, Gallorum sede nec ipsi
 Prædia, sive lares restabant: insuper omni
 Fœnore & hinc vacuus, latias adspirat in oras.
 Narbone in portu navem conscendit, & Euris [q]
 Vela dabat lætus mediis in fluctibus Heros,
 Quum sæva adsurgunt ventorum prælia, & omne
 Obruitur densa cælum caligine, inhorret
 Hinc pelagus tenebris, tempestas atra profundo

Et

(q) *Narbone*. hæc est urbs Gallie Narbonensis, italice *Narbone*:
 Hæc teste Polybio condita est a Romanis Olympiade 160. Sæ-
 vam tempestatem fuisse Paulinum expertum, quum ex hac urbe
 discesserit, testatur ipse Paulinus in 2. Natale S. Felicis in Pincis
 in sua carmina

*Et maria intravi, Duce te, quia cura pericli
 Cessit amore tui, nec te sine, nam tua sensi
 Præsidia in Domino superans maris aspera Christo.*

Et subito incumbens, aperit nunc saxa, & arenas,
 Et nunc attollit præptum culmen aquarum;
 Sublimi hic fluctu pendens ratis, alta ferire
 Sidera conspicitur, sed contra hic unda dehiscens,
 Turbine jactatam navim compellit ad imum.
Ingens corda timor, Nautarum pallor & ora
 Occupat, & mixtus defertur clamor in auras:
 Debachchatur hiems, duplices Paulinus ad astra
 Tunc tendens palmas, supplex sic ora resolvit.
 Auspice te, Felix, conscendi navibus æquor,
 Te Duce, & indomitis commisi carbasa ventis,
 Fluctibus oppressum me nunc, & murmure Noti
 Incolumem serva, juvet hos componere fluctus.
 Auxiliis scis usque tuis posuisse meam spem,
 Cesser hiems, pelagique cadar fragor omnis, & ira.
 Dixit, & extemplo (factum o mirabile dictu!)
 Æquora mitescunt, ponunt sua murmura venti,
 Hinc animum revocant Nautæ, freta carula findens
 Atque ratis, tandem Ligurinis appulsi oris.
 Incolumis runc ille feris ereptus ab undis,
 Insignes, meritaque suo persolvere grares

Fe

(r) Post superatam hanc maris procellam Genæ creditur appulso;
 Paulinus, ex qua urbe pedestri itinere proficiscens, Mediolanum
 petiit, inde Florentiam, ubi S. Ambrosium Archiepiscopum suum
 adinvenit, qui Sanctorum Gerasii, & Procasii reliquias Amica
 Paulino discedenti dono dedit. Videatur Remondisus.

* Felici statuit, quā tempestate fugata,
Nubibus, & tenebris, Zephiros, Solēque reduxit.
Italix postquam varias lustraverat urbes,
Æneadum magnam devenit denique sedem.

Romani colles, vos flavæ & Tibridis undæ,
Dicite, quos plausus, quæ dulcia gaudia ovantes
Lætitiæ, Rudiique dātent quæ signa Quirites,
Dum videre Virum, cui jam data cura sacrorum,
Et civem genere, & spectandum sanguine avito:
Circumstant primi dextra, lævæque frequentes
Certatim Proceres, tantis & laudibus ornant,
Occupet ut cuidam torvus præcordia livor.
Omnibus hinc subito distractis rebus, & amplis
Quæ fuerant Romæ domibus, partitur Egenis
Æra lubens, aurumque: dein mora nulla Latinis
Detinuit terris Paulinum, namque & ab illo
Tempore, quo portenta stupens Felicis ad urnam
Tot fieri inspexit penitis infixæ medullis
Ardor, & anxietas ipsi, studiumque locandi
Quod reliquum vitæ Nolana in sede penates.
Posthabitâ hinc Româ, Nolam contendit, & omnia,
Hic quæ restabant, Fundis quæ prædia habebat
Distrahit, & pretio relevat, miserosque, inopesque.
Forſitan, & vestri fuerint quæ facta requiras
Agricolæ postquam tot prædia vendidit, & tot

Divitias, vario & decorata palatia cultu?
 Ille ubi mirandam Felicis venit ad ædem,
 Terque, quaterque piis impressit basia saxi,
 Quæ sacros cineres, veneranda atque ossa tegebant:
 Tum votis de more suis, precibusque peractis,
 Quod forma meliore suo prius auxerat ære,
 Quodque sepulchrali haud aberat Felicis ab urna
 Hospitium ingreditur, reliquam traducere vitam
 Atque hic constituit: tanta hæc exempla sequuti
 Hos habitare pios non despexere recessus (s)
 Insignes probitate Viri virtutis amore.
 Ut primum roseis invecsta aurora quadrigis
 Aurea fulgebat, stellis procul axe fugatis,
 Egregii fundâ & saxo, cytharaque decori [t]
 Alternis una recitabant carmina Vatis:
 Cetera sed statò solvebant tempore. Iberis
 Ante suos rutilus fessos quam mergeret undis
 Phœbus equos, parcis vix corpora sustentabant
 Herbarum, cererisque cibis, Paulinus at omnes
 Integritate Viros præstabat: Sirius æstu,

Vel

(s) Inter reliquos discipulos, qui vitam monasticam cum Paulino ducere conituerunt, n. merantur duo Hebraei, jam facti Catholici, Prophorus, & Reimatos, qui discipuli omnes una simul cum eorum Magistro Paulino, primo mane Davidis Psalmos, idest Matutinum recitabant, reliquas vero canonicas horas quibusdam huius diei temporibus.

(t) Vatis egregii fundâ, & saxo, & cythara. Hic qui alius potest intelligi nisi David Propheta?

Vel borealis hiems sæviret frigore, acutis
 Caprigenum setis vestis sua membra tegebat.
 Excipere hospitio Externos, Ægrosque, Inopesque
 Olli præcipuum studium, & sua maxinia cura.

Talia nec vestras audientes occupet aures
 Nunc stupor. Ipsi erat argenti, nec pondus & auri
 Ulterius, neque opes ullæ, neque lucra redibant;
 Ast homines, armenta, feras, genus omne natantum,
 Qui voluctes servat, cunctisque alimenta ministrat,
 Insignem pietate Vitum, meritisque refertum
 Deferere haud passus: quamvis hinc nulla supellex,
 Nec quicquam parvi foret insuper inde lucelli,
 Æraque nulla, tamen, cælo curante, nec hilum
 Defait huic unquam. I nunc inficiare, Lucreti? [u]
 Impie sectator, faciles ad jussa Tonantis
 Nanquam destitui præsentî numine servos,
 Numinis & vigilem moderari singula mentem.
 Nec solum pietatis opus fas credere in istis
 Excoluisse locis. Theodosi hic namque triumphos [x]
 Æquavit cælo numeris, & nobile sceptrum.

Im-

- (u) Lucretius Carus Poeta Latinus fuit, qui Ciceronis ætatem non multo antecessit, & sex libros de rerum natura conscripsit Epicurorum philosophiam in illis exponens: inter alia impia sua dogmata divinam providentiam impugnavit. Hæc rhetoricæ figura a Rhetoribus apostrophe dicta, non jam refertur ad Dominum Paulini, aut ad aliquem Vandalum, sed ad veros Lucretii Sectatores idest Atheos.

- (x) Celebrem triumphum reportarat Theodosius supra Maximum

Ty-

Impia & hic veterum doctis effata Sophorum, (y)
 Et quicquid vomuit mendax sapientiâ Vatum
 Convellit numeris, atque insectatus Apellas:
 Condidit hic etiam carmen nuptiale Puellæ
 Nōmine Ja insigni priscū de stirpe Patentum,
 Istius ut voluit tædas celebrare jugales:
 Democriti hic fregit concinno carmine fatum,
 Ostendens ceteris moderetur legibus orbem,
 Utque supercilio moveat, totumque gubernet
 Providus Alkionans. Sed quæ magis omnibus una
 Fulgebat virtus, insueta modestia cordis:
 Una mihi saltem si de tot epistola; doctis (z)
 Quas misit famâque Vitis super æthera notis,
 Sat te quam fulgens, & quam miranda docerem
 Illa sui virtus animi. Doctissimus unus
 Quumque foret, claro quamvis & semine cretus,

D

Du-

Tyrannum, & supra Eugenium imperii Occidentis usurpatorem, unde Paulinus panegyricam laudem tanto Imperatori intexuit. Legatur Muratorius, qui sub annum CCCXCIV describit Theodoli II. victoriam contra Eugenium, & sub annum CCCXLI. illam contra Maximam.

- (y) Contra Idolorum cultores opus cedro vere dignum Paulinus composuit, quod jure merito a Ludovico Antonio Muratorio *præclarissimum Paulini carmen* appellatur. In hoc primum contra Apellas, idest contra Judæos, tum contra Deorum mendacium cultores declamat. Hæc carmina legi possunt in operibus minoribus Muratorii:
 (z) Epistolæ, in quibus se Paulinus indoctum, & omnium minimum, & Peccatorem appellat aut in operibus suis, aut apud Remondinum, qui eas in italicam linguam transtulit, legi possunt.

Duceret & nullo temerata crimine vitam,
Se tamen indoctum, minimumque adpellat, atque
Altius, ac penitus viriorum mole gravatum.

Non mihi s^cæ s triplex circum mea pectora, sive
Ferreæ vox fuerit, reliquas ex ordine laudes,
Arque animi dores numeris concludere possem:
Hinc patriæ fines, & dulcia litora, & ædes
Linguentes multri, Nolanis sedibus illum
Invisum cursu veniebant sæpe, nec istis
Sat yidisse semel; secum juvat usque morari.
Sed tunc Nolanam major succedere ad urbem
Lecta Virum conspecta cohors, quum membra dolore
Langueret, febrisque suos depasceret artus.
Parthenopes Præsul Severus convolat illuc,
Illuc atque Memor Capuz, ac Anristes Atellæ
Elpidius visunt, Nolanæ Præsul & urbis
Itque, reditque viam tories, Campania Patres
Quotquot habet sacris redimitos tempora virris
Conveniunt, celerantque gradum mora nulla retardat.
Quique maris, longæque viæ sufferre nequivit
Tædia, Legatos misit, sic fœdus amoris
Ostendens, cultamque: novo quæ victa stupore
Mens tunc non fuit? vel non miserata trahentem?
Ob tot grata Deo jejunia, torque labores
Languida membra Virum, & macie confecta suprema?

Sed

Sed qui de exca tenebrarum nocte vocat
 Ad fidei lumen Paulinum, quique ad honorem
 Religionis, amans fatis melioribus illum
 Asservare, febrem venis, morbumque fugavit.
 Ille ubi præsens lapsas in pristina vires
 (a)
 Jam rediisse, suum nullo medicamine egere
 Et corpus, superis primum persolvere dignas
 Constituit grates, & cepit deinde quotannis
 Amplam, septenas quæ ængit mœnibus arces
 Ire urbem, cineres veneratum, atque ossa Virorum,
 Illius & terris primo cui jus dedit uni
 Cælestes referare fores, & claudere verbo
 Qui czlo elapsus moribundos induit artus,
 Alteriusque suâ gentes qui voce per omnes
 Invenit, sparsitque fidem cum sanguine firmans.

Viderat interea bis ter flavescere aristas
 Messor ovans, ex quo miram Felicis ad urnam
 Pauper & ignotus neglectam ducere vitam
 Cœperat ille suam, repletus numine quando
 Magnum opus adgreditur, dignum, & memorabile in ævum
 Quinque prope hunc tumulum fuerant delubra, nec omnem
 Complecti hæc poterant turbam, populumque frequentem,

D 2

Qui

(a) Postquam pristinam valetudinem adeptus est Paulinus, quotannis Romam petere, ossa, & sacros cineres SS. Apostolorum Petri, & Pauli veneratum sanxit.

Qui solitus variis saccedere finibus orbis
 Ad bustum, aur supplex pia solvere vota quotannis,
 Aur potius miranda Vari portenta revisum.
 Ille horum pario decoravit marmore majus,
 Extruit, atque aliud longe sublimius, ima
 Fundamenta locans; stupear ventura quod ætas.
 Hoc tum Felici statuit, propriumque dicavit,
 Postque duas hiemes opus hoc tam grande peractum est.
 Hæc delubra tamen quantum pergrara, Tonanti
 Ex his, quæ referam poteris cognoscere dictis.

Frazineis binæ stabant compagibus ædes,
 (Lignea ni potius vocitanda mapalia) Nolæ
 Quæ posita in medio quamvis terræ haud nimis amplum
 Corripere spatium, situs at, structura, cacumen
 Heu! saris obstabant domibus, laribusque propinquis,
 Et magis angusto curâ, & pietate locando
 Obscurant templo: prece nunc Paulinus, & ipsum!
 Nunc invitat Herum pretio sibi vendat utraq;,
 Unam vel saltem: scopulo sed durior instans
 Asperitas Domini, pretio nec ducitur amplo,
 Nec precibus facilis, nec dictu affabilis ulli est.
 Ast rerum, qui cuncta suis elementa gubernat
 Naribus, atque movet, sicut perrumperet uni
 Illorum flamma, & præceps se ferret ad auras
 Nocte super media, quæ tristia damna minatur.

Finitimis latè domibus , crepitante favilla,
In cineres , & pondus iners urbs tota reverti
Jamque videbatur , subito quum petvolat illuc
Hic tuus Agricola , atque cracis venerabile frustum
Ignibus opposuit rapidis , qui protinus omni
Insolitis , mirisque modis descendere , tectis
Conspècti populo , atque iterum remeare cacumen
Semiustum tugurî , nec vis vulcania cessit
Quin prius hæc totum consumpserit . Ast Herus ingens
Vidit ut hoc signûm , stupuit , pavidusque tremiscit .
Phosphorus eoîs vix dum sua lumina ab undis
Extulit , ac aliud manibus prostravit ab imis
Sedibus ipse suis . Divo hinc oblata facultas
Condere marmoreis ibi lata peristyla signis .
Hic erat Hospitibus sedes , ut turbine possent
Et pluvia , & ventis defendi & frigore , & æstu ,
Haud procul inde stipem mendicam turba petebat .
Vestibulum ante ipsum , primoque in limine templi
Illos cernere erat , vel qui benefacta . petitura ,
Aut qui detersum veniebant crimina flendo ;
Molis at in medio phrygio de marmore fontem
Inspiceres , quo sæpe manus peregrina lavabat
Fessa cohors , faciesque suas , prius alta subisset
Quam delubra , preces , & fervida vota solutum .
Ast numeris si cuncta meis amplectier optem ,

Deficerent vires, mens & confusa habaret, (b)

Hinc tibi quæ fuerint curvos inscripta per arcus
Carmina non referam, nec quæ sub fornice sacræ
Picturæ, & species, & cætera templa, demusque
Arte sua extractæ, nec quæ pretiosa supellex
Fulgeret templis, tantum mihi dicere fas sit.

Quam splendore gravem, gemmarum pondere, & auri
Struxerit ille crucem, sacris quibus ædibus, atque
Jusserit apponi. Non te latuisse putandum,
Commisam, immissamque cruces habuisse Quirites, (c)

Queis jure affixi fontes male facta luebant,
Ex his incertum suboles quâ æquæva. Parehti
Suspenda indigne vitales liquerit auras,

Sed quam Paulinus curâ, studioque paravit
Scimus & immissam gemmis, autoque fuisse.

Aurea parte crucis superâ volitantque Columba
Stringebat parvam rostro triplicemque catenam,

Unde aurata simul pendebat lampas, utrinque
Scintillare duas extremâ parte lacertum

Cernere erat mediæ similes, sumptuque notandas.

Con-

(b) De templis, & basilicis a Divo Paulino constructis legatur Remondinus, qui minutatim enarrat, adiungens carmina, quæ per arcus eorumdem templorum erant exsculpta.

(c) Vocabatur apud Romanos *crux immissa* illâ, cujus figuræ in templis, domibusque Christianorum inveniuntur, *commissa*, vero, quæ habebat formam græce litteræ T videatur Lipsius de cruce.

Concavus in medio sinus, & curvatus in arcum
Quem regit anticâ Crystallus parte renidens
Servabat penitus ligni venerabile frustum,
Quo letum subiit magnum Patris incrementum.
Inferius tandem melioris legibus artis,
Sculpta corolla niter, variis circumdata gemmis,
Materiem superabat opus, tali ordine achares,
Atque adamas, beryllus erat, rubeusque pyropus:
Mnemosynon tantum Felicis devovet aris
Paulinus: supplex præsentia numina poscit
Hic gens lecta simul, lacrimis benefacta reposcens.

Nolana interea fidei viduata Magistro
Urbs desiebat adhuc: divino Numine Cives
Quum subito abrepti concordi voce tîris
Paulinum, curvo dignum lituoque salutant.
Hic ubi pervenit Delecti rumor ad aures
Palluit, haud tanto reputans se dignus honore,
Sollicitis, variisque modis contendit, ut istam
Exuerent Cives mentem, majoribus auctum
Et meritis legerent alium & pietate Magistrum;
Vota tamen portanda dabat Boreæque, Notoque,
Namque Sacerdotes, Populus, Juvenesque, Senesque,
Extemplo ut tantos ille adgrediatur honores,
Ingenti clamore petunt, studiisque fatigant.
Forſan & hæc inter Paulini immota maneret

Mens, nisi magna satis novisset iussa Tonantis:
 Mollis flamma animum subiit, quæ dulce medullas
 Serpit, & emollit, remanet qua victa voluntas: (d)
 Non refugit pondus, non amplius infula terret,
 Annuit, utque animi motus, vocesque secundat,
 Præful io, Paulinus io vox una per urbem,
 Præful io, Paulinus io festiva & imago
 Responsat, dare signa vias, & recta videres
 Lætitæ, & plausus. Tanto pro Præfule frontem
 Attollitque suam reliquas jam Nola tot inter
 Urbes, plena facies quantum Lucina minores.

Exercere suum, cælestia dogmata spargens,
 Cæperat officium Paulinus, sæva Getarum
 Quum subito hæc legio nolanam venit ad urbem,
 Quæ postquam horrificis hanc est populata ruinis,
 Ad sua regna manus Cives post terga revinctos
 Adduxit secum: Patris tunc munere amantis
 Perfungens, patrias multos revocavit ad ædes
 Ære suo palmas, & solvens colla catenis.
 Tum quoque vos urbem cursu accessistis eandem:
 Ac alios inter cordis pars maxima Matris,
 Heu! Matris Viduæ Natus subducitur, atque huc,
 Ah miser! huc trahitur servili compede nexus:


Tri-

(d) S. Augustini Doctoris maximi systema hic sequitur Auctor qd
 gratia ethicæ.

Tristior hinc Mater lacrimis suffusa, penates
Paulini scandit supplex, sua numina poscens.
Nullum erat argenti, nullum vel pondus & auri,
Nulla suis domibus res illi, nulla supellex:
Obtulit hinc se, nec manicas, & vincla subire
Pro Viduæ refugit Gnato, fatique, viæque
Me adpellat Comitem, sequitur mœstissima Mater,
Hinc nos digressi vestris successimus oris,
Quæ superant bene nota tibi sunt fata Coloni,
Talibus Uranius, factoque hic fine quievit.

Finis Libri II.





PAULINEIDIS

LIBER III.

AT Dominus, Regisque Gener tot rebus ab ore (a)
 Uranii auditis, imo sub pectore versat
 Et decus egregium, doctrinæ, & stirpis honorem, (b)
 Rel-

Hic liber tertius totus quasi innititur secundæ lectioni divini officii, in festo die S. Paulini, qui dies est vicissimus secundus mensis Junii: lectio illa hic ad Lectorum commodum transcribitur; en verba: Igitur in Africam (Paulinus) projectus, Domini sui, qui Regis erat Gener hortum calendum suscepit. Verum quum prophetiæ dono Regis mortem ipsi Domino prædixisset, & Rex in jomnis Paulinum sedentem medium inter duos Judices, sibi que de manibus excipientem flagellum, vidisset: tantus Vir cognitus honorificentissime dimissus est, condonatis ei omnibus suis civibus, qui captivi fuerant. Nolam reversus ad Episcopale officium, quum verò, & exemplo omnes ad pietatem christianam inflammaret, laterum dolore correptus est: mox cubiculum, in quo jacebat terræmotu contremuit, ac paullo post animam Deo reddidit.

(a) Idem Dominus S. Paulini erat Regis Gener, ut in primo libro hujus operis dictum est: unde quum audias *At Dominus Regisque Gener*, ne credas, Lector, diversam esse Personam Domini, a Genero Regis Vandalorum.

(b) *Et decus egregium*. idest dignitas episcopalis.

Relligioque Viri , & pietas animoque recurſat
Multa ſuo virtus . Hinc quum dimoverat umbram
Poſtera jam roſeis aurora invecſta quadrigis ,
Extemplo irriguis acciri juſſit ab hortis
Paulinum Agricolaſum , raſtris qui & falce relictæ ,
Fertur Heri ad ſedes , atque alta palatia ſcandit :
Poſtquam introgreſſus ; Dominus ſic talibus inſit .

Si ad me quum primum veniſti , nexibus ut te ,
Servitioque dares noſtro , Genitricis in ulnas
Committens Viduæ Gnatum ſine compede , noſtrum
De te animum , atque tuâ de relligione doceres ,
Non ego tamque gravi ſuffunderet ora rubore ,
Neſcius ipſe tuis dederim quum raſtra , ligones ,
Et falces manibus , nec tu tam dira laborum
Exercens terram ferro ſub ſole tuſiſſes :
Namque ego tantarum noſcens discrimina rerum ,
Aut Viduæ Gnatum ſoluiſſem compede , & una
Nolanam ſecum rediſſes liber ad urbem ,
Aut illo dimiſſo , tu penetralibus iſtis
Duſiſſes vitam , qua conditione deceret .
Nunc tua progenies , pietas , doctrina , decuſque ,
Quum fuerint mihi nota ſatis , non amplius ipſe
Te Libyæ terris poſthac famulumque tenebo :
Ergo vel liber patrios remeare penates ,
Sive hic in noſtris conſidere mœnibus optes ,

Quam-

Quamvis perpetiar, vix te discedere, durum, (c)

Et grave supplicium penetralia ad intima cordis,

Utere tu tamen arbitrio, & meliora sequare.

Olli gratanti, placidoque hæc pectore Divus.

O Here, Cælicolum tibi Rex quam digna rependat

Pæmia, namque opis haud nostræ persolvere grates

Pro meritis: Dum pinus erit pulcherrima in hortis,

Omne decus, laudesque tuæ, nomenque manebunt

Altius, æternum nostris infixa medullis,

Si nequeo ulterius Libycis consistere terris,

Ignoscas, precor: indoluit sat Nola Parente,

Heu! viduata suo: tandem Custode remoto,

Quid miseræ restat? pudor in discrimen adactus

Virgineus: Juvenum malefusa licentiâ morum

Fas versum, veritumque nefas, vesana Cupido

Incustoditam cingent formidine Nolam:

Nec menti obrepat, manibus quod tradita nostris

Sarcula, vel nexus, seu ferrea vincula collo,

Improbis aut sudor tulerunt mihi tædia: non hæc

Hæc mihi non certe: ast Inopes, ac omnium Egeni,

Orbatæque Viro Matres, timidæque Puella,

Op.

(c) *Vix te discedere*. Poetæ, pro Ablativo absoluto quandoque infinitum adhibent: Virgilius, ut taceam de reliquis, in tertia Ecloga.

Phyllida amo ante alias, nam me discedere flevit.
Pro me discedente.

Oppressæque domus, Puerique Parentibus orbi,
 Sacrorum, morumque Patres, aræque Ministri,
 Et magis ah! Nolæ tandem me cura remordit:
 O Herus, ignoscas, abeam, sed condita semper
 Pectore tot benefacta tui memor ipse tenebo,
 Mente nec exciderint: si quid mea vota, precesque
 Quandoquidem poterunt, pro re meliora reposcam
 Usque Deum, facili prius ac dirione recedam
 Quam vestra, tibi fatorum arcana movebo,
 Adverre huc animum, atque tuis, Here, prospice rebus
 Imminet heu! Socero Regi vis essera fati, (d)
 Haud abest, corpus spoliatum & lumine gernes.
 Talia quum caneret divino ex ore Sacerdos,
 Constat, obtutuque hæsit defixus in uno
 Ipse Gener Regis, tum sic est ore loquutus.
 Esse infausta meo quamvis oracula noscam
~~Hæc Socero~~, Socerum, fuerint quæcumque, monebo.
 Interea hos poteris nostros habitare penates,
 Nec prius e Libyæ discedas finibus optem,
 Quin genus omne tuum, motes, nomenque, decusque
 Rex sciat, æqua mente feras has æmpotis horas
 Exigui extremas, aliis fortasse levamen,

Et

(d) *Imminet &c.* Hoc fuit vaticinium, quod Vandalorum Regi
 fecit Paulinus, ad quod S. Gregorius Magnus alludens, in-
 quit. *Post non multos vero dies Vandalorum Rex occubuit. Vi-*
deatur Remondinus.

Et feret *hæc* captis aliquam, *mibi* crede, salutem,
Dixit, & *ex*emplo Servos accedere iussit,
 Qui lymphas manibus, vestes atque ordine *ferrens*
 Arte laboratas, Juvenum comitante cohorte,
 Egreditur tectis, gressumque ad regia tendit
 Limina, marmoreis *circum* decorata columnis,
 Porticibusque amplis, ædes numeroque *carentes*
 Undique fulgebant ostro, luxque superbo.
 Quinquaginta intus famuli, totidemque Ministri,
 Multus at ante fores gaseâ, & fulgentibus armis
 Instructus Miles, Regis tutela, salusque,
 Nec quum Spl oritur, nec quum se condit in *undis*,
 Hi desunt, variantque vices, stant ordine certo.
 Per medios graditur, superas conscendit ad ædes,
 Atque ante ora sui pervenit denique Regis,
 Insuper & Soceri, primâque ab origine, mores,
 Et genus egregium, studium, præclaraque narrat
 Gesta Viri, cui Roma lubens submittere fasces
 Haud renuit, primique Patres adfurgere, Nola
 Utque Sacerdotum primo sibi frontis honorem
 Infusa cingebat, memorat, quum vota, precesque
 Excipiens Viduæ, Libycas successit in oras,
 Ipsiut ut Natum detentum compede dura
 Servitio eriperet; pro quo fera vincla subire
 Heroem haud puduit, quin sub ditione tot annos

De.

Demissumque sua, vertendo addixerit horto,
Cuncta minuratim, quæ externâ accepit ab ore
Uranii jam nocte aperit, sed verba relinquunt
Cætera quum vellet, linguâ vix muſſitat . . . hæret . . .
Incipit . . . & reticet medio in sermone . . . veretur
Infelix, Socero instantis præſagia mortis
Heu! referare. Socer Generum ſed pandere coram
Cuncta jubet, poſitoque metu vel cuncta referre.
Ille autem gemitus medio de pectore ducens,
Farier ut primum potuit, ſic talibus inſit.

Rex, te funeſta (ah! venti trans æquora portent
Omina) fata manent! Morti . . . (prædixit ut Heros)
Quam primum . . . Sed plura dolor proferre negavit.

Vix tanta e Genero Rex audiit, intima cordis
Invadit terror, curiſque ingentibus intus
Æſtuat, atque loco firmus conſiſtere neſcit;
Olli etiam in mentem ſubiit, quæ nocte ſilenti
Viderat in ſomnis, aliquot paullo ante diebus,
Namque Heros geminos medius conſidere viſus
Heroes inter, Judex erat unus & alter,
Arque videbatur manibus ſibi triſte flagellum
Dignior eripere; At nullum pernoverat horum.
Hinc famuli ad ſedes properent, Generique penates
Triſtibus exundans curis Rex imperat, ad ſe
Quam cito compellent, verbisſque adſentur amicis,

Fatidicumque Virum merito venerentur honore,
 Procedunt, aditumque rogant, subeuntque; sacrorum
 Consperere Patrem, tendentem ad sidera palmas,
 Poplite qui flexo lacrimis suffusus obortis,
 Pro se, proque suis fundebat vota, precesque
 Civibus immerito servili compede nexis.
 Vix famuli mandata ferunt, referantque Precanti, (e)
 Protinus adsurgit, graditur qua semita monstrat: (f)
 Jamque propinquabat Regis penetralibus Heros,
 Quum Rex, Mè miserum! hic Vir, hic est! En plurima mento
 Barba cadit, noscoque manus, sic ora ferebat;
 Hic unus, visisque meis responder hic unus;
 Hic stabat medius, nostris sævumque flagellum
 Abstulerat manibus; sane! proh jupiter! hic est!
 Postquam introgressus, Regem quam plura timentem
 Prosequitur cultu, conceptum corde timorem
 Rex premit, adspectu venientem namque sereno
 Excipit, & placido hæc effudit pectore dicta,
 Tune ille Antistes Nolanæ providus urbis?
 Hei mihi qualis eras! quam nunc mutatus ab illo es!
 Ah! grave servitium, miser oh! dum cogeris uber

E

Exer.

- (e) *Referantque Precanti.* idest Paulino pro se, proque suis civibus captivis precanti.
- (f) *Protinus adsurgit.* Discant hic subditi superioribus Potestatibus parendum. Paulinus pietatis opera exercebat, & tamen ubi audivit Regis mandata, intermitte preces, adsurgit, graditur, obedit.

Exercere solum, jactans hinc inde bidentes
 Sole sub ardenti, gelidæque sub æthere brumæ,
 Fœdavit faciem, labor ah! contraxit & artus!
 Exitium memini, clades, & damna recorder,
 Quæ in Nolam quondam furiis agitatus iniquis
 Intulerim demens, piget heu! me tanta malorum
 Induxisse italis, vestrisque incendia terris:
 Sed nunc jucundis contraria fata rependam.
 Si meus hic Gener indignâ te compede solvit,
 Arbitrio, manibusque tuis en ipse remittam
 Nolanos quot nostra pedes habet Africa victos.
 Quod si tantus amor, tanta est innata cupido
 Demigrare domum, patriosque revivere fines,
 Servitio addicam vestro, quas dente recurvo
 Ancora refrenat puppes, celeresque catinas,
 Solvite quum libitum: vobis terræque, marique
 Tramitis auxilia haud deerunt, opibusque juvabo.
 Sic ait. At contra dedit hæc responsa Sacerdos.

O utinam, ac veluti nuper Rex magnus Olympi
 Emollic mentem vobis solventibus arctâ
 Compede nos miseros, patriâ nostrisque tot annos
 Civibus absentes, pariter sic molliat & cor,
 Ut procul ex animo procul hinc errore fugato

(g)

Heu!

(g) *Errore fugato*. Vandalorum error erat idem, ac Gothorum:
 Nam cum Vandali, tum Gothi Arianæ doctrinæ propugnantes,
 Christum Dominum esse Deum negabant.

Heu! libeat tandem vos religionis honorem
 Amplecti verum, & lacrimis detergere culpas:
 Haud ego pro vobis precibus noctesque, diesque
 Delassare meis cælum, quæcumque vocabunt
 Me terræ, absistam. Paulinum hic multa volentem
 Addere Rex dextrâ, Gener hinc lævâque prehendit,
 Et nunc ille dabat, nunc hic sua brachia circum,
 Officiosus amor, studium nec defuit ullum.

Servitio capti laqueis & compede, Regis
 Jussibus interea solvuntur, munere curvæ
 Et Bacchi, & Cereris, naves onerantur, opimis
 Mercibus atque aliis, nullum vitæque, viæque
 Deficit auxilium longæ. Rex iusuper amplas
 Vi quas nolans furatus Civibus olim
 Reddit opes, & jura lubens quæcumque, fuisset.
 Paulinum mandat decorari hinc vestibus, atque
 Hinc jubet Uranium, qua conditione deceret,
 Hinc Famulumque manum rude jam donatier. O quæ (h)
 Lætitia tunc signa dabat, ibantque, fedibantque
 Huc illuc, manicis tandem, pediculisque soluti
 Imperat aptari classes, cursusque parari
 Libertis Nolæ. Quid non mortalia cogis

E 2

Cor.

(h) *Hic famulumque Et. Rude donari, est quocumque munere liberari. Horatius in libro primo suarum epistolarum: Spectatum satis, & donatum jam rude quæris, Mæcenas, iterum antiquo me includere ludo.*

Cordæ timor? Summi quisnam vel Numinis ausu
 Obniti imperium contra, cui sidera parent?
 Annulus interea, quem circumplectitur aurum,
 Imperio Regis, mira spectabilis arte,
 Protinus instruitur, decoratus jaspide fulva.
 Insuper adjicitur crux alternata pyropis,
 Atque peregrinis, solidisque adamantibus aurea,
 Sericeo, & viridi nodo, quæ obstricta nitebat.
 Pastorale pedum his superadditur ex argento,
 Egregii labor Artificis sunt singula, & omne
 Regifico dignum luxu, dignumque verendi
 Sacrorum, morumque Patris, fideique Magistri.
 His Rex muneribus Paulinum denique donat.

Nolani Cives sed libertate recepta,
 En portum cuncti magno clamore petentes,
 Convenere simul, totaque ex urbe ruebant.
 Tertia jam mediis lux se attollebat ab undis,
 Ex quo servitio liber, strictisque solutus
 Compedibus fuerat Præsul; quum leniter aura
 Crisparet, tremulo & splenderet lumine pontus:
 Nulla tegit Cælum nubes, puppesque paratæ,
 Comiter & Regi, ac Domino vale dixerat Heros,
 Uranio comitatus, iter tendebat amicum
 Ad portum, impatiens quem vix procul inde Magistrum
 Cognovit Nolana cohors e navibus una

Ingeminat plausum manibus, perque ampla volutans
 Lirora clamorem, Paulinum voce salutat:
 Atque ubi curvatam Præful conscenderat alnum,
 Submissis genibus libabant oscula palmis,
 Amplexique pedes Cives densantur in unum:
 Tam dulcis tandem pertentat corda voluptas,
 Lætitiæ lacrimis ut lumina nulla carerent.

Sed jam de Libyco solvuntur litore naves,
 Porrus & hinc adversa recedere terra videntur,
 Arque rares pelagi vada salsa aquilone secabant,
 Nullum in conspectu occurrebat lirus, at aer
 Undique, & Oceanus: Quum vulnus pectore Pluto
 Antiquum servans, rabie succensus amarâ,
 Prospiciensque novas, redeunte hoc Præsule Nolem,
 Parcius optatas detrudi in tartara prædâs,
 Concilio vocat Eumenides fera monstra, & avetni
 Numina tattarei: turpes hic mille videres

(i)

E 3

Har-

(i) turpes hic mille videres.

Tassus in suo Poemate Cantu IV.

Quà mille immonde Aspie vedresti, e mille
 Centauri, e Sfinzi, e pallide Gorgoni,
 Molte, e molte larve voraci Scille;
 E fischiar Idre, e sibilar Pitoni,
 E vomitar Chimere atro faville,
 E Polifemi orrendi, e Gerioni

D' essî parte a sinistra, e parte a destra
 A saler, vanno al crudo Re davante:

Sic-

Harpas, Sphinges, Centauròs, Gorgones atrae,

Et toridem informes Scillas lattare voraces,

Lernæas Hydras, horrendaque sibila ad auras

Tollite Pythones, linguisque micare trifulcis,

Evomere & nigros-ignes ex ore Chimeras,

Geriones triplices, atque ingentes Polyphemos:

Hinc, atque inde adstat turba hæc, sed Pluto tot inter

Monstra, Deosque sedet medius, graviora superbus

Sceptra tenens dextrâ: Non sic caput extulit undis

Dura silex, hic ut frontem & sua cornua tollit.

Terrorem spirat majestas horrida vultûs,

Hirta informe tenus descendit pectore barba,

Lumina-dira rubent, velut ac horrenda vorago,

Panditur os, virusque vomens, spumasque cruentas,

Dum-

*Siede Pluto nel mezzo, e con la destra
Sostien lo Sceptro ruvido, e pesante,
Nè tanto scoglio in mar, nè rupe alpestra,
Nè pur Calpe s'innalza, o 'l mago Atlante,
Ch' anzi lui non paresse un picciol colle,
Sì la gran fronte, e le gran corna estolle.
Orrida Maestà nel fiero aspetto
Terror accresce, e più superbo il rende,
Rossignan gli occhi, e di veneno insetto,
Come insaustra Cometa il guardo splende,
Gl'involve il mento, e su l'irsuto petto
Ispida, e folta la gran barba scende,
E in guisa di voragine profonda
S'apre la bocca d'atro sangue immonda.
Ment'ei parlava Cerbero i latrati
Ripresse, e l'Idra si fè muta al suono:
Reffò Cocito, e ne tremar gli abissi,
E in questi detti il gran rimbombo udissi.*

Dumque loquebatur stygius tria Cerberus ora
Clausit, & extimuit caudam sub ventre recondens,
Gorgoneumque caput rabiem cum voce repressit,
Coeytus stupuit, cæcæ tremuere cavernæ:
Horrisoni at Ditis fremitus hæc dicta sonabant.

O fortunarum, comites, pars una mearum,
Queis tanta est virtus, ut terras, æquora, & ipsum
In chaos antiquum auderetis vertere cælum,
Tyrrheni ferus hostis habet per marmoris undas
Certus iter velis, Nolana ad mœnia adustis
E Libyæ terris remeans, oh quæ mala nostris
Prævideo regnis, clades, tristesque ruinas,
Incolumem si Nola suis cum civibus ipsum
Excipiet, doctrina, decus, mœursque, suumque
Officium magnis viduabunt tartara prædis:
Tollite majores fluctus, de sedibus imis
Prælia ventorum jactent freta cærula, in undis
Mergite, Nolanâ vel longe avertite ab urbe.

Hæc ubi dicta, nigro monstra hæc acheronte relicto,
Excessere simul miscentes turbine terras,
Occupat hinc subito tempestas aspera pontum,
Obscurâ Phœbus tegitur ferrugine, & atrâ
Nocte tument fluctus, ingens furit æstus arenis.
Desuper horrisoni circumdant æthera nimbi:
Ingeminant flammæ, & tonitru cælum omne cietur.

Æquora , & undarum fremitus , cælique ruina ,
Ventorum murmur , scopuli , stridorque rudentum ,
Omnibus horrorem , vicina & fata minantur .

Non ita siccato Matris vix ubere , silvæ

Quam soli repetunt latebras , nemorumque recessus

Imbelles vituli , impastum si forte sub ima

Parte lupum sensere , replent mugitibus auras ,

Et cito confugiunt timidi , quo læta frequentant

Pabula connisæ Matres , formidine pressi

Paulinum ut lacrimis omnes adeuntque , ruuntque .

Ille , dolos , omnesque Erebi qui noverat astus ,

His animum dictis , & tristitia pectora mulcet .

Quæ tam fracta fides , & spes tam languida vobis ?

Qui nuper laqueis , & dura compede solvit ,

Creditis heu ! medio mersurum denique ponto

Nos hominum Divûmque Patrem ? timor omnis abesto ,

Mòx Deus incolumes patrio nos limine sistet .

Quare agite unanimes validis insistite remis :

Æquora , & hos scopulos , noctemque , hiememque paravit

Tartareus Pluto , & famulæ Junonis avernæ :

Sed quid in imperium superi viresque Tonantis

Eumenides possunt ? rabidique potentia Ditis ?

Ibimus Italiam , Nolamque intrare licebit :

En ut paulatim venti sua murmura ponunt ,

Utque caput nigrâ Phœbus de nube retexit :

Hinc

Hinc omnis vestro decedat pectore terror .

Talia fundebat Præful, quum dira Sotorum
 Prospiciens legio Eumenidum non posse carinas
 Paulini in mediis submergere fluctibus, oris
 Aut procul hinc Italis avertere, tacta pudore,
 Ingenti & rabie ad fauces graveolentis averni
 Se dedit in præceps, mœstis ubi dura querelis
 Fata renarravit, divellens crinibus angues .

Agmine ventorum pelago, cæloque fugatis
 Interea nimbis, Neptunia regna carinæ
 Italiam versus verrebant, protinus omnes
 Quum visi meritas supero persolvere grates
 Cælicolum Regi, tantas qui fregerat artes
 Dirarum, nifusque, gravem Plutonis & iram.

Sed jam summa procul Trinacria cernitur, atque
 Præruptæ cautes, simul ardua saxa Pachini, (k)
 Æstus erat, mediusque dies contraxerat umbras,
 Et freta crispabant spirantes lene Favoni,
 Hinc prius hesperiiis quam Sol se conderet undis
 Læta cohors Nolana subit, porruque Sicano
 Ancora fundavit naves, sed vix ab Eoo
 Postera surgebat linquens Aurora cubile
 Thitoni croceum, jussum dare navibus austros .

In-

(k) *Pachini*. Pachinum est unum ex tribus promontoriis, propter quæ Sicilia Trinacria dicitur, in ora orientali ejusdem insulæ.

Incumbunt remis Nautæ, cita vela secundis
 Implentur ventis: o quæ bona gaudia pectus
 Pertentant primum quum nota cacumina montium (l)
 Visa procul, sociis digito loca, litora, & urbes
 Monstrabant socii, vocesque ad sidera jactant.
 Tantus amor Patriam longo post tempore, dulces
 Conspicere & Natos, sponsas, proprioque penates.
 Tum mage sollicitant remis freta culmina sed jam (m)
 Apparent Nolæ, Felicis templaque, & arcès,
 Ac simul Uranius Patriam conspexit, obortis
 Continuo lacrimis urbem veneratur, & infir.
 Nolanæ turres, atque exoptata meorum

Te-

(l) quum nota cacumina montium &c.

Trojanorum Ixitiâ in III. Libro suæ Æneid. explicans Virgilius, quum primum hi obscuros colles, & humilem Italiam conspicerent, sic cecinit

*Quum primum obscuros colles, humilemque videmus
 Italiam, Italiam primum exclamant Achates,
 Italiam! Læto socii clamore salutant.*

Et Tatius in principio III Cantus sui Guffridi:

*Ecco apparir Gerusalem sì vede,
 Ecco additar Gerusalem sì scorge:
 Ecco da mille voci unitamente
 Gerusalemme salutar sì sente.*

(m) culmina sed jam

Apparent Nolæ &c.

Si nolanus inter navigandum conspexerit Turres Uranius, nemini sit mirum; tunc temporis enim haud procul a Nola suos voluisse fluctus mare credere nonnulli Eruditi: Et re vera est locus vix 3. M. P. ab eadem urbe, qui locus *planum Palmæ* appellatur, *italice Piano di Palma*, & Campus is vulgo dicitur *Campo marino*, in quo ubicumque terra excavatur, arenule, conchæ, lapides aquis corrosi ostenduntur. Legatur Nola Sacra Caroli Guadagni, & Canonicus Ferrari, qui Auctores variis argumentis hanc opinionem defendunt, quæ brevitatæ ergo lubenter omitto.

Tecta Patrum , salvetæ sacræ Felicis & ædes !

Heroum tu Nola parens , visuraque magnum

Mox Heroa , tuos reduces visuraque cives

Salvetæ iterum ! Te nigra palus , atque ora trifauci

Cerberus horrescet , Paulino Præsule , & ipso

Auspice Paulino , sceleris vestigia in urbe ,

Irrita si qua manent , solvent formidin Nolum .

Currite Nolani vos huc longo ordine cives ,

Strepite humum venienti , & olentia spargite passim

Graminaque , & flores , Pastori occurrите vestro :

Texite odoratam Redeunti fronde coronam .

Jam prope litus erat , naves , portumque subibant ,

Quum subito Nolæ læta hæc & fama per urbem ,

Nec mora , nec requies Juvenum manus emicat omnis ,

Pars apicem Templi scandit , pars turribus instat ,

Prospicit Heroem non longe a moenibus esse ,

Et manibus primum plaudunt , mox æraque pulsant ,

Dant signum , subito ex adytis cessere frequentes

Matres atque Viri , Puerique Parentibus orbi ,

Lætitiâ , risuque viæ resonantque , fremuntque

Cum plausu : roseis pars o redimita corollis

Fronde solum sternit , murosque tapetibus ornat ,

Pars plectrum , aut citharam , aut tremulis cava timpana virgis

Verberat exultans animis , pars cymbala pulsat .

Hinc dulces animi circumstant pectora motus ,

Spes, amor, & studium, pietas, & blanda voluptas,
 Lætitia, & stupor, & mollis cor flamma perurit.
 Vir, Mulierque, Senex, Juvenisque, innupta Puella
 Egreditur, celeratque pedes, atque obvia, cuncti
 Denique conveniunt, ingens concursus ubique.
 Non secus immodico fessæ per cæcula cursu
 Italiam cum vere novo remeare volucres
 Cernimus Isiacas, certatim litora complent (n)
 Agmine densato, terram rapiuntque, tenentque.
 Quæ prior occurrit, volitant, redeuntque frequentes.

At mage lætitiâ geminatis plausibus edit,
 Exilit & Vidux Gnatus, quem compede quondam
 Exemit Divus, reputans nam mente volutat
 Tot benefacta Viri: licet ex quo liber in oras
 Successit patrias, illo ne gratia facti
 Immemor efflueret, campis, hortisque colendis
 Sedulus incubuit, manibus cedere nec unquam

Ra-

- (n) *Isiacas volucres*, idest ægyptias volucres, puta hirundines, italice *le rondini*: ab Isidis templo, quod in Ægypto erat, unde *Isiaci* Isidis Sacerdotes dicti; Atque inde proverbium: *Isiacum non facit linosolus*: italice *l'abito non fa monaco*. Nam Isiaci, vel Isidis Sacerdotes, vestibus tantum lineis utebantur, quas vocabant *λινοςολιας*, videatur Plutarchus.

Al caro antico nido,

Fin dall' Egizze arene

La rondinella viene,

Che ha valicato il mar.

Cecinit Petrus Metastafus in Veris descriptione; italice: *la Primavera*.

Rastra suis. Tandem fama hæc quum venit in Urbem
Adventare Virum, valido tunc ille ligone
Finitimum Nolæ subigebat forte viretum,
Abjicit extemplo rastrum, volat ocyus Euro,
Edoctum Matrem, vasto, quæ languida tractu
Æquoris emensi, externi sive aeris humore
Infestata satis, tristis contagia morbi
Pertuletat dudum; vix tunc languentia membra
Legerat e stratis, tanta hæc quum nuntia ad aures
Pervenere suas, dolet heu! non posse citato
Festinare gradu, ah vires intenderet omnes,
Si vires essent Vetulæ, morboque refractæ,
Curreret ah! citius, fieretque hinc obvia velox,
Sed tamen ut potuit, Gnatoque adnixa, tremensque
Artubus, infelix, sensum deflexit utrunque
Prona genu, & multum lacrimans dedit oscula terræ,
Atque ait. Ah! facili claudam nunc lumina fato,
Quod licuit tandem Paulini audire regressum,
Optatumque diu columen, Nolæque levamen.
I, Nate, i, propera redeunti occurre, & odoris
Sterne solum foliis: parva hæc, sed debita Divo,
Te sequerer, te pone lubens, at pigra senectus,
Et magis invitam tremor hic me Nate retardat:
I, propera. Ille autem violis, & fronde virenti,
Fructibus & variis concinnat munera, & instar

Pyramidos componit opus, sitque obvius, atque
 Plaudit io, lætatur io, pulsat pede terram,
 Versibus incomptis tellatur gaudia mentis:
 Non secus ac hilaris peragit Topiarius omnis,
 Plaudit io, lætetur io, nam mente revolvit
 Excoluisse Virum campos, & culta vireta,
 Et maræ adjecisse decus, duroque bidenti.
 Ex illo celebratus honos, hilarisque Nepotum
 Posteritas campis, cultisque addicta viretis
 Annua Paulini quum lux de more recurrit,
 Lætitiæ veteris memor, optatique regressus,
 Ordine procedit, Patrumque imitata suorum
 Læritiam, adversum quum se de finibus Afris
 Obrulerunt Divo redeunti ad mœnia Nolæ,
 Sedula confingit, variisque recentibus ornat
 Floribus, & fertis, atque extra tecta quotannis
 Pyramidem defert, Juvenum comitante caterva. (o)

Intronsi montes, valles, cava saxa vicissim
 Quæ tam festiva reperistis imagine voces
 Dicite, quo fuerit Vir tunc ornatus honore,
 Et subiit pectus quæ non mentita voluptas?

Pau-

(o) Ligneæ pyramides, quæ a Nolanis civibus, quotannis festo die S. Paulini confinguntur, quæque floribus variis mirandum in modum adornatæ per urbem deferuntur vulgo *Gigli* appellatæ sunt, quam decentes! Non modo e finitimis sed e longinquis quoque locis illas spectatum venit populus. Res quam pulchra visu!

Paulini nomen volitat per mille Virorum
Ora, suis manibus figentes oscula Cives,
Nec laudare satis, dignasque rependere grates
Sufficiunt, columenque vocant, Patriæque salutem,
Præsidium miseris, & religionis honorem,
Spem, Nolæque Patrem, & sæclis decora alta futuris.
Hinc Matres Gnatos, Uxores dulce Maritos,
Amplectique Patres chari sua pignora amoris
Cernere erat, Fratres Germanus, Amicus Amicos,
Lætitiâ exultant, dicuntque tenerrima verba,
O mea lux, prædulcis amor, meus ignis, & hujus
Dimidium cordis, mea spes, mea sola voluptas,
Quæ freta, quæ navis, quæ sors tam fausta revexit,
Prospera, quæ reduces tandem tulit aura? quis iste
Versicolor cultus? Massylis hæccine vestis
Ridenda? hui quam triste sedet! quam barbarus usus!
Exoritur rursus fragor hîc, ac undique risus,
Undique & ingentes plausus, ac oscula mille,
Milleque complexus, mistumque sine ordine discors,
Exoritur murmur, rorant sed lumina fletu.
Inceptum sed Præsul iter stipatus ab omni
Parte Viris, peragit: Jamque urbis limina ovantes
Intrabant Cives, peterent ut templa Sacerdos
Quum statuit, summo grates & vota solutum
Cælicolum Regi, qui tot terræque, marisque

Casibus incolumes servasset, quique paternas
 Visere duxisset sedes, propriosque penates,
 Non minus ac jussi faciunt, licet ampla fuisset
 Sacra domus, pars magna tamen densatur in unum
 Vestibulum ante ipsum, atque Virum Vir fervidus urget,
 Nititur in templum, propiusque accedere tentat
 Quisque inhians. Proprium tanta est immensa cupido
 Cernere Pastorem, notasque audire loquelas:
 Ille autem plenâ postquam veneratus acerrâ est
 Rite Deum, folio residens placido ore profatur,
 Nec sua verba hominem, nec quid mortale sonabant.

Quis plausum illius lucis, quis gaudia fando
 Explicet, aut possit numeris comprehendere pompam?
 Non adeo Romam geminatis vocibus olim
 Crediderim exultasse animis, quum viderit inter
 Victrices lauros spoliis orientis onustus
 Jam remeare Duces, Tarpejas scandere & arces,
 Ut fuerit gavisa illis urbs Nola diebus.

Grande ministerium rursus Paulinus in urbe,
 Finitimisque locis exercet providus, unde
 Visus & in templis, domibusque viisque suorum
 Mirus ab integro factorum nascitur ordo.

Quem duris urget jejuna in rebus egestas (p)

Sup-

(p) O utinam & omnes nostræ ætatis Episcopi tanti Viri inhaerentes vestigiis, eadem in suis diocæsibus peragerent!

Suppetias adfert, relevat Paulinus Egenum,
 Dum gravis ære domum remeat sibi dextera, dulci
 Et viduata Viro, & fatis jactatus iniquis,
 Paulino accedens, curis, studiove solutus
 Concedit, dubiisque suo spem mentibus addit
 Consilio, & longe mentis caligine abacta,
 Instruit ignaros doctrinæ, & munere linguæ;
 His iter ostendit, per quod virtutis adepti
 Culmine, ad æthereas tuto conscenditur ædes;
 Hos trahit illecebris, illos formidine pœnæ,
 Atque alios relevans, incendit fervida miris
 Corda modis, ne forte cadat de pectore verus
 Religionis honos, pletas, reverentia Divum.

Prædicat hic verbum opportune, hic instat, & illinc (q)
 Importunus adest, incusat, & obsecrat omni
 Doctrina, & monitis, victor convicia, & astus
 Æqua mente ferens: vigilat noctesque, diesque,
 Nec defessa gravi succumbunt membra labori.
 Sobrius implet opus, partesque Antistitis omnes
 Fungitur, absolvit, jure omnibus omnia factus.
 Auri sacra fames, hinc vana superbia, luxus,

F

Fu-

(q) Apostolus Paulus in epistola 2. ad Timotheum cap. 4. : *Prædica verbum, instat opportune, importune: argue, obsecra, increpa in omni patientia, & doctrina. Et paullo post: Tu vero vigila, in omnibus labora, opus fac Evangelistæ, ministerium tuum imple, sobrius esto &c.*

Fusaque vipereos turpis discordia crines,
 Effera vis animi, ingluvies, & livor acerbus,
 Desidia, atque coloris vitiorum protinus omnis
 Exulat, evadit, Nolanis sinibus exit.

Hinc pudor insuptis, atque intemerata Maritis,
 Matronisque fides thalami servatur, & amplis
 Calicolum pietas, & vera modestia templis,
 Aurea pax domibus, quibus est & cura sacrorum
 Obsequium, cultusque, Forum Themis occupat æqua.
 Quandoquidem ventura canit, mentemque, animumque
 Divinum inspirat Flamen, referatque futura,
 Omnia & eveniunt condito tempore: Nonne
 Vandalicus Rex testis erit, qui funere merfus
 Promisso, statoque die, prædixit ut olim
 Jam Domino, occubuit? Libycis quæ postea terris
 Littera nonne monet, certo obsignata sigillo?

Sed jam certamen, jam cursum expleverat Heros,
 Quum Superum Regi meritis, tantisque refertum
 Doribus æthereas Paulinum arcessere sedes
 Et visum æternis innectere tempora ferris.

En sua ducta ætas trepidabat claudere sextum

(r)

Et

(r) *Trepidabat*. hoc verbum accipitur hic pro *festinabat*. Horatius
 libro 2. ode 4.

*Cujus octavum trepidavit ætas
 Claudere iustam.*

Et decimum lustrum, cœpit quum Præsul acerbo
 Mordicus urgeri laterum, fixoque dolore,
 Qui magis, atque magis cura, medicamine, & arte
 Crudescit, malvas, oleagina balnea, hibiscum,
 Althæamve, pedis salientem sanguine venam,
 Incisam scälpro, præscripsit cura Medentum.
 Ast nihil invito fas quemquam fidere cælo:
 Supposita incassum tinguuntur sanguine scalpæ,
 Nil medicæ juvere manus, nil balnea, & herbæ:
 Spes fuit, & sensim retro sublapsa refertur:
 Augurium jam triste canunt uno ore Medentes,
 Campanas vero præceps ea fama per oras
 Advolat. Hinc Nolum Benedictus Præsul, & urbis
 Symmacus Antistes Caput venere priores,
 Quos ubi cognovit Paulinus, tanta medullis
 Gaudia persensit, nullis ut visus iniquis
 Jactari stimulis, gravibusque doloribus, ambo
 Comiter excepit, summas pro munere tanto
 Et solvit grates. Vicini funeris horam
 Prospiciensque sui, jussit pia vasa parari,
 Triticæosque orbes, & limpida vina, verendosque,
 Ante thorum vestes, sacro ut libamine mensæ
 Angelicis operans aris vescatur, & æquam
 Securamque viam sibi sternat ad ætheris arcem.
 Re sacra expleta, meritoque altaris honore

Imposito, duplices tendens ad sidera palmas,
Sic hilari vultu, sic fatis hora resolvit.

Intentas oculorum acies spe fervidus altos (s)
Conjeci in montes, præsens, certumque levamen
Unde mihi veniet: columen descendit ab illo
Dulce meum, pelagi tractus, cælumque profundum
Condidit & terræ molem qui providus. Unquam
Non finit ipse meos in casum vergere gressus,
Nec sua quandoquidem declinat lumina somno,
Qui te sollicitus, fidusque tuetur: Et ecce
Non dormitabit, sed nec sopor occupat illum,
Israel æternum vigilans qui protegit. Ah te
Custodit Dominus, dextram tutatur, obumbrans
Ipse tuam, medio nec si flagraverit æstu
Sol tibi damna feret, nec te soror æmula Phœbi
Læserit, ad plenum quantumvis humida operret.

Su-

- (s) *Intentas oculorum acies.* In ultima suæ vitæ periodo recitavit Paulinus Psalmum, qui incipit *Levavi oculos meos in montes*, quique hic transcribitur, ut videant Lectores ejusdem Psalmi veluti poeticam paraphrasim ab Authore concinnatam.
Levavi oculos meos in montes, unde veniet auxilium mihi.
Auxilium meum a Domino, qui fecit cælum, & terram.
Non det in commotionem pedem tuum, neque dormitet, qui custodit te.
Ecce non dormitabit, neque dormiet, qui custodit Israel.
Dominus custodit te, Dominus protectio tua super manum dexteram tuam.
Per diem Sol non uret te, neque Luna per noctem.
Dominus custodit te ab omni malo, custodiat animam tuam Dominus.
Dominus custodiat introitum tuum; & exitum tuum ex hoc nunc, & usque in sæculum.

Sublimem Dominusque tuam , quæ infusa per artus,
Tutatur mentem . Dominus te vindicat omni
Sedulus ærumna , usque tuos comitatur & ipse
Egressus , monstratque viam , reditumque gubernat,
Dixit , & oceano dum nox obscura ruebat,
Præfulis infirmos tenuis sopor occupat artus,
Nocte tamen media graviter bacchatur in ima
Ossa dolor , fesso hinc veniebat anhelitus ore .
Nondum mane rubens croceos aurora colores
Induerat , de more suis cum Fratribus illa
Carmina Davidis cecinit , quæ nocte silenti
Psallere devotos templis , arisque Ministros
Lex jubet , atque aliis precibus de more petactis ,
Æternam populo pacem , fraternaque amoris
Vincula commendat , donec se Phœbus in undis
Tingeret Hesperiiis , placida qua ex parte quievit .
Pallida sed quando cœpit nox cingier astris ,
(Eloquat , an sileam ?) paulatim corpore vires
Decedunt : artus solvuuntur frigore , & ore
Indistincta sonant verba , & jam pectus anhelum est ,
Lumina tardus habet languor , calor ossa relinquit ,
Insolitis quatitur tantum sua motibus ædes ,
Hei mihi ! Paulinus jacet exanguis sine vita .

Cælituum pennata cohors , qui gaudia , & inter
Lætitiæ voces , tantis virtutibus auctam

Paulin⁹ mentem quique excepistis, & ante
 Judicis æterni solium sublime per auras
 Ipsam sistentes, cælum penetraistis orantes,
 Vos mihi supremo vos adspirate labori,
 Materiem nostræ ut possint æquare, Camœnæ,
 Ne me aut præsens, aut ventura redarguat ætas.

Talibus interea dictis hominumque, Deumque
 Crediderim Patrem celsa de sede loquutum,
 Quum primum superis Nolanæ viderit urbis
 Sedibus Heroem. Quam prima ab origine mundi
 Pro meritis, factisque tuis, studioque paravi,
 Eja age cælestem, Serve o bone fide, coronam
 Accipe, nec credas spoliatum perdere posse.
 Hic pax, hic requies, tantorum hic meta laborum.
 Quod vis hic est, quod nolis procul exulat istis (t)
 Æternum solis: hic solem, & sidera cernes
 Sub pedibus, nostros ergo adgrediaris honores,
 Inscriptus superis adeas, superisque fruarè.

Dixit, & extemplo aligeris comitatus Alumnis (u)

Cuncta minutatim percepit, vidit, & audit, (x)

Hu-

(t) S. Bernardus de Paradisi inexplicabili gloria loquens inter alia hæc habet: *Nihil est quod nolis, totum est quod velis*

(u) *Aligeris comitatus Alumnis*. idest a cælestibus Spiritibus, Angelis, Archangelis &c.

(x) Apostolus Paulus in epistola 1. ad Corinthios cap. 2. *Oculus non vidit, nec auris audivit, neque in cor hominis ascendit, quæ præparavit Deus iis, qui diligunt illum.*

Humanis quæ numquam animis oculisque , nec aure
 Fas fuit attingi . Nolani funere mersum :
 Ut videre Virum Cives , propriumque Parentem ,
 Heu ! quanta ex imo quanta & suspiria corde ,
 Quos gemitus dederunt , lacrimis manantibus ora
 Tristia fundentes ! viduatus compare turtur
 Quam procul aëria immitis speculatus ab ulmo
 Venator miseram telis confodit aëtis ,
 Non aliter gemit , atque suos vel mœsta sub umbras
 Amissos queritur fœtus Philomela , recessus
 Sola petit , mœrensque iterat miserabile carmen .
 Heu ! heu ! triste sonat Nola undique , & undique tristes
 Heu ! heu ! resonant vallēs , collesque propinqui ,
 Æraque flebiliter repetunt e turribus heu ! heu !
 Æra , queis jam Nola dedit nova nomina , postquam (y)
 Incessit studium Paulino fundier ipsa
 Pondere majori , ac ingenti mole gravati ,
 Templorumque sacrâ suspendi denique ab arce ,
 Non minus apta sonum festis pulsata diebus
 Reddere festivum , quam flendis funere meris ,

B 4

Apta

(y) *Æra queis* . Hic tintinnabula majora intelliguntur , quæ etiam latina lingua *Nola* , & *Campana* dicuntur . Conveniunt Eruditi pene omnes , hæc majora tintinnabula *Nolæ* a S. Paulino primum fuisse adhibita , ac proinde vocatas esse *Nolas* , quas suspendimus e sacris turribus ; *Campanæ* etiam dicæ sunt a regione , quæ *Campania* appellatur , italice *Terra di lavoro* , *Campagna se-lue* . in qua regione *Nola* jacet .

Aptaque cogendis populis, nimbisque fugandis.

Vix ea fama monet duri prænuncia casus
 Finitimas gentes e Nola, urbesque remotas
 Et cito discurret, qua Sol miratur utrunque
 Oceanum rediens, cunctis dolor ossibus ingens
 Exarsit, cunctisque oculi maduere rubentes,
 Et merito, quis tractus enim terræque, marisque,
 Quodve solum, regioque fuit, quam præterit ingens
 Gloria virtutum pietas, doctrina, suæque
 Stirpis honos? flevit primum secunda Virorum
 Gallia, qua æthereas prodit jam lucis in auras,
 Hesperia & flevit, subiit qua debita casti
 Jura thori, sacris operans, factusque Sacerdos:
 Italia terra suum deflevit funus, & ipsa
 Nec siccis oculis persequit & Africa mortem.
 Interea exequiis sacro de more solutis (x)
 Ad tumulum, temploque sui Felicis humata
 Ossa Viri & cineres: at tum volventibus annis
 Heu dolor! hi cineres, tantique hæc ossa Parentis,
 Præsulis, atque Viri Beneventum adlata, sed inde

Hæc

(x) *Temploque sui Felicis*. Nullum esse ambigendi locum in Ecclesia Cathedrali Nolana, & proprie in Basilica S. Felicis in Pincis, ossa, & cineres S. Paulini fuisse tumulata, certos non facit Uranius, ille Uranius, qui (ut vidimus in primo libro hujus operis) fuit discipulus S. Paulini, & a libellis: Hæc enim reliquit scripta hic Auctor de Paulino suo Magistro loquens: *In Campania ad Beatissimum Felicem Confessorem (in Pincis) glorioso fine defunctus, ac sepultus est: quomodo, & quo tempore a Nola ad Beneventum translata, adhuc ignotum.*

Hac iter instituens magnus tunc temporis Otho

Transtulit Angustus Cæsar Mavortis ad urbem. (A)

Finis Libri III.

(A) Si cui vero sciendi cupido inceserit, quonam pacto hi facti cineres, & ossa S. Paulini Benevento Romam translata fuerint, hæc brevi accipiat. Anno M. ære nostræ vulgaræ (*Ludovicus Muratorius anno MI.*) nulla Militum manu stipatus Imperator Otho III. Beneventum venit, pœnitentia ductus, quia contra jurisjurandi fidem Crescentium Consulem Romanum, anno DCCCCXVIII. fefellit, & occidit, postquam suum crimen S. Romualdo detegit, & fassus est, salutari consilio hujus S. Viri, nudis pedibus de Romana urbe progrediens sic usque ad Garganum montem ad Sancti Michaelis perrexit Ecclesiam, ut scribit Leo Ostiensis: perfoluto voto Beneventum iterum rediit Imperator: Hic quum sciret in ea urbe adservari S. Bartholomæi Apostoli Corpus, a Beneventanis illud dono petiit, id vero tam insigne depositum cives amittere ægre ferentes, & ne irasceretur tantus Vir, si abnuerent metuentes, pro corpore S. Bartholomæi illud S. Paulini, consilio Archiepiscopi Beneventani dedere. Nullam fraudem commisisse credens Beneventanos Imperator, Romam transtulit, & in templo, quod suo ære, Sancto Martyri, & Pragenfi Episcopo Adalberto moliebatur, adlocavit, in insula Tiberiana, quæ italice *Isola di S. Bartolomeo a Ripa* dicitur. In valvis majoribus hujus templi hæc inscriptio legitur, Paschalis II Pontificis Maximi jussu affixa, quum illud templum anno MCXIII instauraverit.

Tertius istorum Rex transtulit Otho Piorum

Corpora, quæ domus hæc redimita viget.

Quæ domus ista gerit, si pignora noscere quæris

Corpora Paulini sunt, credas Bartholomæi.

Et revera extat in Ecclesia S. Bartholomæi, in laudata insula, Sacellum S. Paulino, & SS. Martyribus Adalberto, Marcello, & Exuberantiz dedicatum, ubi ut nobiliori formâ anno MDCCXII. altare restauraretur, locus inventus fuit marmoreus, in quo duo alii plumbei offensi fuere, in quorum uno erat S. Paulini corpus, in altero vero reliquæ Sanctorum Adalberti, Marcelli, & Exuberantiz: in operculo primi loculi hæc erant scripta:


Corpus S. Paulini Episcopi Nolani.

Altare jam restaurato die XIV Junii apertus fuit sollempni ritu, & forma plumbeus locus, atque in ipso alius repertus fuit ex alba cypressu, ferreis clavis clausus, atque hoc quoque aperto, inventum est involuerum panni linei, hac epigraphæ.

Ossa, & cineres S. Paulini Episcopi, & Confessoris.

Ablato hoc involuero, aliud detectum fuit, in quo erant ossa, & cineres Paulini, sine capite, quod in trunco argenteo in ara exponitur.





IN E U M D E M

DIVUM PAULINUM

EPISCOPUM NOLANUM

EJUSDEM AUCTORIS COMPOSITIONES VARIÆ.

A L C A I C U M.

O Pes nefandis ah! sibi fraudibus,

Mollesque gazas undique congerant,

Quos cogit exsecranda & auri

Dira fames, opibusque gaudent.

Nil te Potentum sceptrâ minantis

(1)

Pos-

- (1) Quum ex præclarissima Familia Anicia nonnulli Imperatores Romani prodissent, ex qua etiam prodijt Paulinus, quid mirum si in hoc Alcaico legatur *Nil te Potentum sceptrâ minantis* &c. Insuper quos latet, Consules inter alia insignia sceptrâ habuisse?

Possunt verendo flectere de gradu,

Pauline, virtutis, nec aura

Ulla movet tua Consularis;

Quin & paternas divitias, opes

Largiris omnes munifica manu

Lubens Egenis, & revinctis

Compede, barbarica & catena.

Hinc pauper in tesqua, & nemorum abditos (1)

Abis recessus, altius explicans

Tu mentis alas, nec Tonantis

E radiis oculos reclinans

Sic fixa solis lumine lamina

Non flectit ales regia, tum levi (2)

Sublata penna cæli ad astra

Tendit iter liquidas per auras.

Hinc Te reductis vallibus audient

Dulci canentem pectine Cælitæ

Porrenta Felicis quotannis (3)

Thu-

(1) *Tesqua*, vel *Tesca orum*, sunt proprie loca auguriis designata, sed quandoque hæc vox accipitur pro locis editis, asperis, & incultis, ipso situ, acque silentio quamdam religionem, & horrorem incutientibus, qua in significatione accepit Horatius in epistola 14. libri primi, cum scripsit

... Nam quæ deserta, & inhospita tesqua

Credis, amana, vocat, mecum qui sensit, & odit.

italice deserto, solitudine.

(2) *Ales regia* est Aquila.

(3) *Porrenta Felicis*. Illic ad miracula, quæ ad urnam S. Felicis in Pincis patrabantur, alluditur, ut in 2. libro Paulineidis dictum est.

Thuricremis operata in aris.
 O Nola felix, auspice prædita
 Tanto, quis ausit quandoquidem tibi
 Conferre se? læta effer una
 Altius o caput inter urbes,

EPIGRAMMA.

Dum Libycis Heros remeabat liber ab oris, (1)
 Venrorum rabies, & fera sævit hiems.
 Unde illi præceps supra caput adstipit imber,
 Tollebatque undas pontus ad astra suas;
 Sed tamen adverfo secat ipse aquilone profundum,
 Nullam hiemem, boreæ murmura nulla timens.
 Tunc Neptunus aquis caput extulit, inde per atros
 Impavidum fluctus conspicit ire Virum:
 Territus hinc subiro, Dive, accipe, Dive, tridentem,
 Unus habe, & vasti marmoris imperium,

No-

(1) Hoc epigramma tempestate illa a Furiis, & Plutone commo-
 ta innititur, quum ex Africa liber una cum suis Civibus redi-
 bat Paulinus, legatur liber 3. Paulineidis.

*Nola certior facta , Paulinum , ceterosque Cives
Africa detentos libertate jam donatos fuisse ,
& brevi vedituros , illos expectans ,
hac habet impatiens.*

E L E G I A .

Alma dies , propeta , curruque inuestus aperto
Accelera optatum , candide Phœbe , diem ?
Phœbe , diem profer , Libycis Paulinus ab oris
Qua rediet Præsul , qua meus unus amor .
Exere quid cessas ultra ? quid gaudia differs ?
Exere ab Eoo , candide Phœbe , caput .
Illa dies niveo mihi tunc signanda lapillo , (1)
Me merito luctum ponere jure sinet .
Illa mihi reducem durâ sine compede Patrem ,
Atque meos Cives cernere posse dabit .
Heu mihi ! quot lacrimas , heu ! quot suspiria ab imo
Pectore & infelix hæcenus eliciui .
Ex quo Paulinus decessit finibus istis ,
Nulla fuit miseræ pax mihi , nulla quies .
Sed , redeunte Viro , mihi gaudia tanta videbor
Lata frui , infelix tristitia quanta tuli ?

(1) *Illa dies niveo* . Veteres dies faustos albis , infaustos vero atris
lapillis signasse , pernotum Eruditis . Martialis in quodam sua
Epigrammate

Diesque nobis signandi melioribus lapillis .
idest albis .

Fas mihi tunc vultum, atque suas audire loquelas;

Oscula fas manibus figere multa suis,

Adspiciam ut Matres Natos, Sponsæque Maritos,

Ut reduces Fratres excipiatque Soror.

Quum venit illa dies, nostris succedere tetris

Te juvet alma fides te juvet æqua Themis.

Vobis cernere erit telis spoliatus, & arcu

Ut Puer Idalius territus effugiat; (1)

Fusaque vipereos crines discordia ut angues

Crinibus avellat victa dolore suis,

Urque cohors scelerum dura formidine solvant,

Adventante Viro, mœnia, recta domus,

Attollam sublime caput, rursusque videbor

Unica facta aliis invidiosa locis,

Importuna fames alias decedet in oras,

Atque lues alibi, Martis & ira fremet.

Alma dies propera, curruque invehctus aperto

Accelera optatum, candide Phœbe, diem.

Phœbe, diem profer, Libycis Paulinus ab oris

Qua rediet Præsul, qua meus unus amor.

Exere quid cessas ultra? quid gaudia differs?

Exere ab Eoo, candide Phœbe, caput,

PHA.

- (1) *Puer Idalius* est Cupido, amoris Deus, Veneris filius, a Poetis fingitur flammis, & duobus diversæ naturæ spiculis armatus, aureo nempe, & plumbeo; quorum illud amoris conciliandi, hoc repellendi vim continere fabulari sunt. Hanc fabellam putarim Machæo Bojardo, & Arcotto tribuisse argumentum excogitandi illos duo fontes in silva Ardenna, quorum unus amorem, odium alter excitabat.

P H A L E U C I U M ,

*In quo sub Anus nomine venit temporum edacitas,
 qua tandem nobis ereptos, & pene desperatos
 S. Felicis Natales a Divo Paulino Episcopo
 Nolano compositos eripuisset, ni Lud. Anto-
 nius Muratorius a sua subduxisset
 voracitate in Ambrosiana
 Mediolanensi.*

Adeste huc, numeri Catulliani,

[1]

Armati rabie, quot estis omnes:

Jocum me putat esse anus molesta,

Et doctos mihi denegat daturam

Paulini reliquos pios libellos.

Ipse num pariar? pati faceti

Num vos Hendecasyllabi potestis?

Quæ sit quæritis illa, quam videtis?

Rugosa est anus, & voracior

Den-

- (1) Hoc carminis genus, Hendecasyllabum quoque dicitur, quia undecim syllabis constat. Phaleucium, vel Phalæcium, ut Terentiano Mauro arridet adpellatum, quod a Phalæcio fuit inventum. Hoc carmen ad lusus, facetias, amoreque describendos accommodatissimum: Catullo in deliciis fuit; Atque adeo sui Hendecasyllabi melliti, & omni lepore conspersi, ut neque ante sua, neque post sua tempora Poeta offendatur, qui suos exæquet. Hoc præfens Phaleucium ad imitationem illius compositum est, quod idem Poeta contra quandam Mæcham confecit, quodque est in num. 43, & incipit.

*Adeste, Hendecasyllabi, quot estis
 Omnes undique quotquot estis omnes &c.*

Dente, quæ rodit omnia, & minutos
 Vertit in cineres, inetsque pondus:
 Consectemur eam, & repostulemus,
 Redde, edentula anus, refer libellos,
 Anus improba, reddito libellos,
 Qui natalitios dies celebrant
 Felicis, decus illud, & Nolanæ
 Qui urbis præsidium. At nihil movetur,
 Surdis nos canimus, sono altiori
 Conclamabimus ergo: Redde turpis,
 Redde, edentula anus, refer libellos:
 At nil proficimus, Notisque, & Euris
 Clamorem, & Boreæ damus ferendum.
 Mutandus modus, atque blandiori
 Sermone est rogitanda, si velimus
 Profecisse aliquid. Benigna, dulcis,
 Mitis, blandula anus, refer libellos:
 En en jam retulit venustiores
 Muratorio* Anus dedit libellos.

E P I G R A M M A .

Irriguam Pomona olim conspexerat hortum , [1]

Paulinus nexus compede quem coluit .

Nunc mihi pomiferos quantumvis objice , dixit ,

Objice nunc hortos , pulcra Arethusa , tuos . [2]

Ante tuos , Paulini mox si adspexeris hortum ,

Illos Hesperidum dixeris , hunc Superum .

SAP-

- (1) *Pomona* a Romanis pomorum Dea habebatur ; quæ arborum fructibus præerat : Ovidius in libro 14. metamorph. fingit a Phæaco Latinorum Rege hanc fuisse adamatam , quæ de re a Circe in avem sui nominis transmutatum .

- (2) *Arethusa* fuit filia Hesperii , cui Hespero tres filiz fuere Ægle , Arethusa , & Hesperethusa , patronimico nomine Hesperides adpellatæ . Hæ amœnissimos hortos possidere dicebantur , ubi erat auriferum nemus , cum aureis malis a pervigili Dracone custoditis . Denique hoc epigramma ad imitationem illius compositum est , quod Sannazarius pro admirabili urbe Venetiis fecerat , quodque hic transcribitur .

Viderat Adriacis Venetam Neptunus in undis

Stans urbem , & toto ponere jura mari :

Nunc mihi Tarpejas quantumvis , Jupiter , arces

Objice & illa tui Mœnia Martis , ait .

Si pelago Tibrim præfers urbem adspice utranque ,

Illam homines dicēs , hanc posuisse Deos ,

*In Rusticum quemdam duo sua mapalia
Divo Paulino Episcopo vendere
abnuentem.*

JAMBICUM PURUM.

Agrestis ille, quem videtis, omnium [1]
Agrestium videtur esse pessimus,
Nec est, vel unquam erit quis illo atrocior.
Hic hic latet modo quid urbe gesserit?
Molestus asper, & protervus, insolens
Negavit heu scelus! verendo, & inclyto
Viro petenti, ut ille, facta cespide
Duo, pecuniâ daret mapalia.
Colone inique, perfide, & molestior,
Ut abnuis Viro verendo, & inclyto
Dare illa parva bina nunc mapalia?
Dat emptor en tibi talenta plurima.
Quid o! moraris haec tenus? scias tuum
Supra caput venire mille Jambicos.

Sed

(1) Jamblici carminis inventorem Archilochum Poetam Lacedaemonium faciunt Eruditi; atque inde hoc carminis genus Archilochium quoque dictum; hisce numeris Archilocus Lycambem, infectatus est, quod filiam suam ipsi Archiloco promissam, alteri locavisset; tanto dolore hinc correptus fuit Lycambes, ut laqueo se suspenderet.

Mapalia um italice *le capanne*; sed hæc vox potius punica est, quam latina. Vocantur etiam *magolia*. Virgilius in primo libro *Æneid*
Miratur molem Æneas magalia quondam.

Sed illa cerno jam modo cremariet.
 Et igne confici: en ut alta Numina
 Tuam modo redarguunt proterviam.
 Rudis colone, disce, disce tundere
 Superbiam, & vide ut molestat acriter
 Te Olympus, auferens repente lignea
 Mapalia: hinc feroce bile turgat
 Jecur tibi, & perurat ira pectora.

C A R M E N.

Vix e conspectu vicini litoris Heros,
 Crederet ut Viduæ Gnatum sine compede Matri,
 Vela dabat Borcz, Libycas aditurus in oras,
 Quum se Nola Viro, & tanto viduata Magistro
 Cerneret infelix, duro confecta dolore,
 Nuda sinus, flavaſque comas sine more solutas,
 Protinus ad notas pelagi successit arenas,
 Et lacrimis suffusa oculos cita carbasa, & alnum
 Prospiciens, cordis partem, quæ præpes in altum
 Ducebat, mærens sic fatiſ ora resolvit.

Quo tendis, Pauline, tuam, Pater optime, Natam
 Et cui me fatiſ jactatam deferis Heros?
 Ah! Pauline redi, atque tuo solare dolorem
 Adspectu, dictiſque meum, Pauline, carinam
 Verte tuam, miserare meos, Pauline labores:

Affer opem reditu, ne spernas vota precantis.

Heu pietas! mea vota Noto, Boreæque fetenda
Committō infelix: quid agam? dolor occupat artus.

Crudeles Superi, crudelia fidera, sortem

Sæpe meam lacrimis delamentabor iniquam,

Qualis mœsta suos deflet Philomela sub umbras

Amissos fortis, iterans lacrimabile carmen.

Ergo ego, quæ tantum tanto pro Præfule nuper

Extuleram sublime caput loca, mœnia, & inter

Urbes, plena faces quantum Lucina minores.

Nunc viduata meo misera o viduata Parente,

Infelix sine laude dies traducere cogar?

Hei mihi quot posthac noctes vigilantur amaræ!

Ecquis suppetias duris in rebus egenæ

Sufficiet mihi? quis dubiis spem mentibus addet

Consilio, & longe cordis caligine abacta,

Instruet? aut quis iter, per quod virtutis adepto

Culmine, ad æthereas tuto conscenditur ædes,

Ostendet? feror obscurâ circumdata nocte.

Jam pharetra, & flammis armatum cernere Amorem,

Jamque mihi videor sævas torquere sagittas,

Tisiphonemque amplas vectare in tartara prædas:

En hic vipereis discordia crinibus, atque

Mille nocendi artes, mille exitialia monstra

Finitimos late populos invadere, & ædes.

Heu pietas! feror obscura circumdata nocte.

His, aliisque suam promebat Nola dolorem,
 Quum luctus audit circum, & reboantia saxa,
 Ac lymphas, vitreasque domos, vallesque profundas
 Nereus, qui algosum mediis caput extulit undis,
 Et saxo incumbens, placido sic pectore cepit.

Parce metu, Genitrix Heroum Nola, & obortis
 Pone modum lacrimis, nec credas usque Parentem
 Amisisse tuum, nostris da pulcra loquelis
 Nola fidem, cæli per conscia sidera juro,
 Post aliquot tu læta hiemes Patremque Virumque
 Extipies reducem, & felix melioribus auctum
 Dotibus, & cernes meritis, sine compede Cives
 Afferet ipse tuos secum, quos barbarus eheu!
 Vandalicus Miles Libycas adduxit in oras:
 O quæ tunc lætis geminatis plausibus edes
 Gaudia, tot Cives cernens succedere testis,
 Adspicies Matres Gnatos, & dulce Maritos
 Uxores, Fratresque suos complectier ulnis:
 Adspicies quis amor Nolanis civibus erga
 Paulinum, Patremque tuum, fideique Magistrum.
 Hinc age pone metum, tristes & pone querelas;
 Sorte tua felix, lætos atque induc vultus:
 Nec menti obtepat, telis armatus, & arcu,
 Quod Puer Idalius succendat pectora flammis.

Aut subeant Diræ, aut lacero discordia crine,
 Namque tuos cælum Cives prospectat, & hostis
 Hinc fremet, & nigræ metuent tua testâ phalanges.
 Dicere Nereidum Genitor jam plura parabat,
 Sed lævum intonuit cælum, & vox æthere lapsa est:
 Macste animo Heroum Genitrix, mea Nola, videbis,
 Haud aberit, reduces cives, patrumque, virumque,
 Macste animo, & serva te rebus, Nola, secundis.

*Anacroniticum.**Versione Italiana.*

Age, perite Pictor,
 Herois in tabella
 Opus stupore dignum,
 Perfectiusque cunctis,
 Venustiusque pinget,
 Ut ipse te docebo.
 Mancipium sinistra
 Depingito tabellæ
 Nodo pedes revinctum,
 Adamantinâ & catenâ,
 Macie peresum, & ore
 Suus impotens resulet
 Dolor, intimas perurens
 Præcordium medullas:
 Destrosum at inclutus ster

Or via su, Pittore industrie,
 Pingi in tela, o in tavoletta
 D' un' Eroe l'opra più illustre,
 La più bella, e più perfetta,
 Vo però da te il disegno.
 Che sia tal, qual'io t'insegno,
 Pingi a manca un Cattivello,
 Cui di barbara catena
 Sringa il piè ben duro anello,
 Magro, smunto, e la sua pena
 Mostri al volto, ed al di fuore,
 Che gli strugge, e lima il core.

He

<i>Heros opes perosus,</i>	<i>Sprezzator d'aggi, e d'onori</i>
<i>Contemptor atque honorum,</i>	<i>Stieii a destra Eroè ben degno</i>
<i>Pedibus terat secures,</i>	<i>Sotto i piè fasci , e tesoti</i>
<i>Fascesque , purpurasque :</i>	<i>Calchi allegro e con disdegno;</i>
<i>Centone at ex vetusto</i>	<i>Ma nell'abito servile</i>
<i>Decus resultet oris ,</i>	<i>Mostri l'aria signorile.</i>

<i>Amore qui incitatus ,</i>	<i>Operoso sovramodo</i>
<i>Manus utraque tendat ,</i>	<i>Poi si scorga, e piu che umano</i>
<i>Dissolvat ut ligatum ,</i>	<i>A disciornè il ferreo nodo ,</i>
<i>Pro quo catena eadem</i>	<i>Stender l'una, e l'altra mano,</i>
<i>Sit ipse dein revinctus.</i>	<i>E l'avvinto alfin disciolto</i>
	<i>Restar' Egli in lacci avvolto.</i>

<i>Cupis renosse Pictor ,</i>	<i>Vuoi saper , Pittor , chi sia</i>
<i>Heroa , quem superba</i>	<i>Que'che sprezza aggi, ed onori,</i>
<i>Nil aura consularis ,</i>	<i>Fasto, pompe , e signoria,</i>
<i>Moventque nil secures ,</i>	<i>Fasci , porpore , e littori?</i>
<i>Millena nec talenta,</i>	<i>Que' ch'al servo il laccio in-</i>
<i>Fucata nec veneno</i>	<i>vola ?</i>
<i>Tyrio chlamis ? catenas</i>	<i>E' Paolin gloria di Nola.</i>
<i>Tandem qui amans resolvit?</i>	
<i>Honos , decusque gentis</i>	
<i>Paulinus est Nolanæ .</i>	

ECLOGA PISCATORIA

*In qua duo inducuntur Piscatores, mutuis qui
inter se primum conviciis, advocato mox Ce-
ladone, carmine certant alterno, Jolam sub
Divi Paulini nomine venientem, laudan-
tes, Dorylas, Thelgon, &
Celadon Judex.*

Dor. Quæ nuper curvâ sictabas retia in aëâ,
Dic mihi, cui, Thelgon, modo servas? anne Myconi?
Th. Non illi, ast Antho, Doryla, mihi tradidit Anthus.
Dor. Infelix Anthus, quæ te sententia cœpit,
Ut nallas servare tuas commiseris isti?
Nescis? hic Custos prædam sibi subripit uni.
Th. Prædam, tu calamos, nallas tu vimine textas,
Tuque leves cistas solitus subducere, & hamos.
Dor. Te perdant Superi: fugientem, perfide, non te,
Non ego te vidi, quum tu furatus es orphos?
Th. Vidisti, Thelgon, sed quum temulentus in antro,
(Ut tuus est mos) declinares lumina somno.
Dor. Tu inflatus venas semper de more Lyæo,
Unde feræ velut, & silvæ sunt Orphea quondam,
Sic illudentes Pueri te pone sequuntur.
At qua fronte negas non excepisse rapinâ,

In.

Insidiisq; Orphos? nonne & formidine pressam
Te vidi errantem, & tacitum post saxa latentem?

Th. Ah! mea tunc, Doryla, septem compacta cicuis
Fistula, &orque illos vicit: cum Thyrside longum
Jure mihi certamen erat: sed, Judice Mopso,
Alternis modulans orphos & adeptus honorem.

Dor. Alternis modulans tu illum? Tibi quando cicuta,
Aut vox blanda fuit? semel admovisse labello
Te calantos memini, atque imis se condere arenis
Nereides vidi Nymphas, procul inde marinos
Aufugisse Deos: disperso carmine tantum
Displicuit tua vox, & tam male arundo crepabat.

Th. Vis ne igitur, Doryla, mecum cantare vicissim?
Capreolos depono duo mihi valle repertos,
Hesternâ quum luce Notus de sedibus imis
Murmure misceret fluctus ad sidera jactans,
Quam pulcri! sparsis etiam nunc pellibus albo.
Ah! quoties Galatea petiit, sed verba, precesque
Irrita dat ventis, scopulis impingit & undas.
Hos ego depono, victori hæc munera, sed tu
Fare age, quæ certans mecum, quæ pignora pones?

Dor. Per scopulos passim, & litus dum forte vagabar
Gemma nitens comperta mihi, quâ pulchrior undis
Altera non venit, Thelgon, volventibus annis
Nec veniet; medio crux est insculpta: videtur

Candida, parte crucis superâ, volitansque columba, [1]
 Quæ stringit parvam rostro, triplicemque catenam.
 Qua lampas pendet, similes huic parte lacertum
 Sunt binæ extremâ: mellioris legibus artis
 Inferius cernes sculptam, insignemque corollam.

Si ad gemmam spectes, sordent tua pignora, Thelgon;
 Hanc ego depono, victori hæc munera. Nostris
 Haud hercle effugies manibus, sequat ipse per altos
 Te scopulos hodie, & litus, sequat ino per undas,
 Per brevia, & syrtides, ut voce laceffere quemquam
 Tu posthac cesses, discens quid possit uterque.

Th. Me tua nulla movent verba aspera: falleris & me
 Si terrere putas. Cupio qui carmina tantum
 Audiat hæc nostra, atque reponat sensibus imis.
 Quis tamen ille senex, vicini fontis ad undam
 Qui sedet? o Celadon, sis felix, huc age, musis
 Præbe aurem, Celadon, nostris, tibi Jupiter annos
 Tercentos addat, nostras ne sperne camœnas.

Dor. Huc ades, o Celadon, mecum hic certare canendo
 Ausus, & imprudens me nuper voce laceffît.
 Hinc calamo, & numeris atreâis auribus adsta:
 Denique te nostræ dirimantur Judice lites.

Cel. Dicite, nam Celadon numeros, sonitumque cicuta

Au-

(1) Hic alluditur ad illam crucem, quam composuit Paulinus: legatur 2, liber Paulineidis.

Audiet, atque melos vocis sub corde reponet.

Dicite, & hic omnes molli sedcamus in alga.

Incipe, tu Doryla, respondet carmine Thelgon

Alterno: gaudent alterno carmine Musæ.

Dor. Nymphæ Nereides Nymphæ vos, aut mihi carmen,

Quale meo Sincero olim, concedite, nulla (1)

Sive meo posthac pendebit fistula collo.

Th. Sirenes, meus unus amor, mea cura, canenti

Aut mihi dulce melos vestrum concedite, sive

Æternum nassas, litus, freta cætula linquam.

Dor. Candidus e cælo Jolas mea retia, cymbam,

Et remos servat, vel quum de gurgite pisces

Retibus ipse traho, ventorum murmura mulcet.

Th. Et me pulcher amat Jolas, sua munera apud me

Si quoties mergo liquidis mea retia in undis,

Retia jucundo gravidant sub pondere prædæ.

Dor. Nocte super media qualis jactata procellis

Æquiora cymba secat fluctus, scopulosque tot inter,

Ducere crediderim sine Jola sic ego vitam,

Th. Qualis cymba legit, Zephiris spirantibus, æquor,

Tuta volans, ludensque hilaris per litora nota,

Ta-

(1). *Sincero*. Hic est Aëtius Sincerus Sanazarius qui primus Piscatorias Eclogas composuit, de quo Ludovicus Arceolus in ultimo cantu sui Orlandi furentis cecinit

Giacomo Sannazar, che alle Camene

Lasciar sè i monti, ed abusar le arene.

Talis cum Jola medias mea vita per undas.

Dor. Quæ maris in medio tollunt sua corpora Cete, [1]

Neptunique pecus fera monstra natantia, Phocas,

Litoribus Jola, nostrisque fugavit ab oris.

Th. Pasythea, & Thalia, Euphrosine, Nymphaeque decentes. [2]

Intemerata Themis, Jola Duce, & auspice Jola,

Non dedignatæ nostros habitare recessus.

Dor. Mollibus in ripis muscosi fontis ad undam

Heu! quoties docuit, Piscantum adstante corona,

Æquora quo tute legerentur fidere cymbis. (3)

Th. Huc ades alma Thetis divino carmine quas hic

Fare age deformes horrenti mulserit orcas

Corpore, vel quoties vidisti e rupe canentem?

Dor. O qui nunc rupes, undas mulcetis, & æthram,

Hos,

(1) Cete, Phocæ, Orcæ quæ sunt proprie monstra maris horrentia hic intelliguntur vitia, aut homines iniqui, & pœditi.

(2) *Pasythea, Thalia, & Euphrosyne.* Hæ sunt Charites, italice *le Grazie*, quas alii Eruditi tradunt fuisse Jovis & Autonoes filias. Alii Jovis, & Eurynomes. Alii denique Liberi Patris, & Veneris: diæ sunt quoque *Gratiæ* a *Gratia* idest ab ea gratiæ notione, quæ pro venustate, & lepore accipitur. Apud Antiquos Deæ habebantur, & beneficentiæ pæcerant. Creditæ sunt Virgines, quia beneficia debent esse pura, sine retributionis spe. Pingebantur nudæ, nam beneficia minime debent esse fucata. Insuper Juvenes, quia accepti beneficii memoria, nunquam senescenda: præterea ridentes, quia beneficia hilari animo elargienda: Denique connexæ, quod æternam benevolentiam sædus esse debeat: Hic vero *Charites, & Nymphæ* tam pro virtutibus cardinalibus accipiendæ, quam pro Theologalibus.

(3) *Æquora quo tute* Allegorice hic vita humana intelligitur. Unde sensus est *Paulinus* heu quoties docuit homines salutis iter, & quibus auxiliis possent nulla criminis nota vitam ducere temeratam.

Hos, Zephiri, numeros Nolæ referatis ad aures,
Dicite & hos Dorylas gracili modulatus avena est.

Th. Vos scopuli in cælum scopuli, rupesque minantes,
Accipite hanc musam stupidus quam perlegat hospes,
Dicat & his Thelgon cælavit carmina faxis.

Dor. Dic quis majorem liquefactis igne metallis
Effingens molem, sacrâ suspendit ab arce?
Et tantum Tritone tibi sua buccina detur.

Th. Dic quis dives opum doctrina, & stirpis honore,
Moribus ante alios Nolam illustraverit urbem?
Atque tibi imperiam Neptunus cedat aquarum.

Cel. Ecquis Piscantum vestras componere lites
Audeat? & gemmâ tu, tu quoque, dignus uterque
Capreolis. Vos, nostra satis quid possit & ætas
Carminibus, sonituque ambo monstrastis: ab undis
Nox fuit interea: surgamus: Judice me sic,
Sic vestræ, o Pueri, dirimantur denique lites.

IN EUMDEM DIVUM

O D E

ASCLEPIADEUM GLICONICUM.

Quo me, Phœbe, rapis tui
 Plenum? quæ mea vis pectora concitat,
 Ut laudes referam modo
 Paulini egregias, gesta que fortia?
 Huc huc ferte pedem, novem;
 Parnassi juga quæ vos colitis, Deæ.
 Non, si robur, & æs triplex
 Circa pectus erit nunc mihi, dicere
 Tanti Præfulis insulytas.
 Laudes, atque sum stirpis originem.
 Possen, Pierides, sipe
 Vestro numine; vel quæ resonans tuba,
 Aut quæ tibia, vel chelis
 Par tot multiplices promere Palladis
 Artes, quæ decorant Virum?
 Quod plectrum poteris, barbitos, aut lyra
 Gazas exprimere, atque opes,
 Quas olim miseris pauperibus dedit.

Vel

Vel quis cælicolis sacras

Arces aere suo, templaque dixerit

Vivo condita marmore ?

Hoc hoc, cana fides auspice Præfule

Gaudens extulit altius

Nolanis domibus relligio & caput,

Celsas æqua Themis Deū.

Sedes defuit juncta fororibus,

Nolæ tecta locans sua :

Hinc latrocinium, dira cupiditas,

Hinc fraudes alio, & doli

Concessere simul, furtaque subdola.

Cædes, exitia, & minæ.

Felix forte tua, Nola, nec altera

Nam Te clarior urbs, Viro

Si tanto superas lumine ceteras.

ECLOGA PASTORALIS,

*In qua sub Daphnidis nomine venit S. Paulinus
Episcopus Nolanus, sub Lycida, Externus qui-
dam, qui fingitur paullo ante Paulini cum
Matre Vidua discessum Nolanis finibus
successisse; sub Corydonis vero
nomine quivis Nolanus
Civis.*

LYCIDAS, ET CORYDÓN.

- Ly.* Mirabar, Corydon, vicina per arva capellas
Dum servare meas curabam nuper, & hædos,
Festivum cur nulla levis resonaret arundo
Pastorum carmen, silvis & nulla ciceret
Ore modos volucris, tantum vel noctua circum,
Sive daret Cornix raucas de gutture voces.
Si tibi cura mei, quæ caussa indigna dolorem
Inducit silvis, ovibus, pecudumque Magistris?
Cor. Ah Lycida, Lycida! tanti latet ista doloris
Causa tibi? Daphnin nescis petiisse remotas
Externa jam luce plagas, hæc pabula, & agnos,
Hoc & linquentem congestum cespite culmen?
Lyc. Nil audi infelix, quoniam novus incola silvæ

Sum

Sum, Corydon, saltus nova sunt hæc, arva, domusque,
Sed tamen hic Pastor, qui sit, da denique nobis:

Cor. Daphnis Pastores modulari carmen avenâ,

Daphnis & intactam resonare Amaryllidæ montes [1]

Edocuit nostros, rabidos ab ovilibus arcens

Ipse lupos, ovibusque suis nunc pascua læta,

Nunc vitreos fontes teneris monstrabat & agnis.

Hic silvæ decor omnis erat, spesque unica nostri.

Si quando in silvis deductum dicere carmen

Cura erat, arrectis adstabant auribus omnes

Pastores, Faunique, & Capripedes Satyrisci.

Hic pietate gravis doctrina, & moribus æquis

Pastores inter removebat jurgia, & iras.

Tantus honos blandæ vocis, tam sancta verendi

Majestas oris, tot honestæ Daphnidis artes,

Ut neque grex lætis curaret pabula campis,

Nec pictæ volucres stupescere carmine Daphnis

Auderent ramis ullos depromere cantus,

Denique Daphnis erat raris solatia nostri,

Deliciæ nemorum, Pastorum cura, decusque.

Lyc. Et quæ tanta sibi longinquas querere terras

Causa fuit? pecudes, & cur armenta reliquit?

Cor. Ah! Lycida, Eois jam rex caput extulit undis,

Tet-

(1) *Daphnis & intactam*. Sub nomine Amaryllidis intelligitur
E. Virgo Matia.

Terque suum fessus demersit Phœbus iberis,
 Ex quo successit lacrimis suffusa rubentes
 Huc oculos viduata Viro mœstissima Mater:
 Unicus huic gnatus, Libycas qui ductus in oras
 Milite barbarico, captiva est compede nexus,
 Daphnidis auxilium supplex hinc illa petebat,
 Solveret ur laqueis, patriâsque adduceret ædes.
 Exhibuit se, proque suo fera vincla subire
 Non veritus Nato: discessit, pabula, & agnos,
 Et nemus umbriferum linquens, pecudumque magistros.

Lyc. Dic mihi sed, Corydon (satura sic semper ovile,
 Adveniant pecudes, tua sic & vota secundet
 Usque Deus) Libycis remeabit Daphnis ab oris?
 Hos fontes sacros, has silvas, en erit unquam
 Ut miretur ovans aliquo post tempore Daphnis?

Cor. Si vera, o Lycida, cecinit quæ Faunus, & olim
 Carmina descripsit frondosæ in cortice quercûs,
 Est Libycis noster rediturus Daphnis ab oris.
 Sed quoniam medius tenues sol contrahit umbras,
 Hoc nemus horrendum, Panôs vel sacra petamus
 Antra Patris, circum quæ proxima fagus obumbrat.

Lyc. Quo me cumque vocas sequerer, nec lenta teneret
 Accitum mora, sed flagrans percurrere carmen
 Raptat amor potius, frondosæ in cortice quercûs
 Incisum mihi pande precor, recludito carmen.

Cor.

- Cor.* Ejā age sume pedum, servabit Tityrus hædos,
 Hac potius flectamus iter, nam hic pinea densat.
 Silva comas, rabidoque caput levat obvia soli.
- Lyt.* O oculis, Corydon, vitā & plus carior ipsā,
 Dulcius hocce mihi haud poteras concedere quicquam.
- Cor.* Sed jam quæsitæ successimus ilicis umbræ,
 Aspice, ut incolumes etiam nunc littera rimas
 Servet adhuc, nec longa diēs aboleverit ipsas,
 Fer propius, converte oculos, & perlege versus.
- Lyc.* Tu melius poteris percurrere carmina, namque
 Altior, & credo melius te nosse figuras.
- Cer.* „ Qui juga, qui silvas habeo, nemorumque recessus,
 Hæc silvis ventura cano satus æthere Faunus.
 Postquam frugiferas bis ter flavescere aristas
 Mellor ovans cernet, Libycis remeabit ab oris
 Tunc Daphnis, secumque feret quos Africa victos
 Compede detinuit Cives, tunc pectore mistes
 Discutiet curas, rectum, pax alma, pudorque
 Jura dabunt, fugietque minax sub tartara Erinnye
 Hinc pecus antiquos acquirat silvaque honores,
 Hic vitteos fontes, illic & gramina læta
 Cernere erit, viridique suum prostratus in antro
 Lanigerum pendere gregem de monte videbit
 Tutus ab insidiis Pastor, modulatur agresti
 Carmina & hic alius calamo, frondator ad auras

Hic

Hic nota sub rupe canet, sua lumina dulcem

Alter & in somnum solvet sub tegmine fagi. „

Lyc. Jam satis; o Corydon, velut ipso percitus æstro
Me subit, & mistus ciet inter gaudia terror.

Quam tibi devinctus, nuper discedere ab istis
Montibus, & patrios itetum remeare recessus
Cura mihi, nostro sed tot de Daphnide miras
Auscultans laudes, non his me saltibus, atque
Proripiam filvis, reducem nisi cernere Daphnin
Concessum: mihi tantus amor cognoscere Daphnin.

Cor. Quum tibi fors dederit tantum pernoscere silvæ,
Pastorumque decus, rure ipse fatebere pauca
Doribus, atque suis de laudibus esse loquutum:
Sed nos jampridem, qui servat Tityrus hædos
Expectat, repetamus iter, qua semita monstrat:
Et tempus pingues divellere Matribus agnos.

F I N I S.



MAG 2021956











